

KWITABA NJILA WA NZAMBÌ MULONGOLOLA KU CIKONDO CYÀ NSHÌKIDILU



[Mwanèètù Carl Williams ùdi wàmba nè: “Bishi, Mwanèètù Branham?”—Muf.] Bishi, Mwanèètù Carl? Bîmpè. Twasàkidila. [Mwanèètù Williams ùdi wàkula nè disangisha nè: “Sòmbaayi, bu nwênù mwà kuswà.”] Sàka nkwasa mukwàbò awu paanyimà. Èyo. Ngwanyì mèmè anyi? [“Èyowà.”] Hum! Nyèyè ewu’s.

² Èè, ncyà bushùwà nè mbîmpè bwà kwikala baalùkile mu nzùbu wa Mukalenge, dilòòlò edi, nangàngà ewu nùnkù, bwalu mvwa mupetèku dyèsè dyà kulàmbula nzùbu wa Mukalenge ewu, kùkaadi cikondo kampàndà, pààkiibakà Mwanèètù wa mushinga mukolè Sharrit mwaba ewu, nènku twakawùlàmbula kùdi Mukalenge bwà mudimu Wèndè. Nènku mbîmpè bwà kwikala mu nzùbu wa Nzambì dîbà kanà dyònsò, kí mmwòmò anyi? Mmwaba mulenga menemene wà kwikala.

³ Nè kwînshì eku mu cipaapu cyà mabwe à mashika, bwà nè mwaba wùvwà. . . Ndi mulwè mwab’ewu bwà kuumuka mu mwaba wà mashika makolè, kàdi mèmè è kulwa kubwelamù. Mvwa mwàmbè makèèlèlà dilòòlò awu nè: “Ndi ntékemena nè kí mèmè udi munùtwàdìle lutàtu lwònsò elu to.” Èè, nudi bamanyè’s, bàdi bàmba nè muvù wà luuyà wùtu wàngata diikisha dyàwù dyà mu muvù wà mashika mùnwemu. Nènku pàmwàpa muvù wà mashika mmulwè kuwùkumbula, bwà kumòna mùvwàwu. Kàdi mbîmpè bwà—bwà kwikala kaaba aka dîbà kanà dyònsò.

⁴ Mvwa misangu yònsò ànu nè—nè njiyà kampàndà bwà Phoenix, kacya ànu pàncìvwà mwànà mutekète. Ndi munangè Phoenix. Nè Phoenix nguvwa wànyì mwaba wà kumpàlà wà kuyiisha bantu bàvwa kabàyi cisà cyà bantu batòòke to. Abu bàvwa ba-Indiens. Mvwa muyè ku mwaba mubàlaminyina awu. Ngèèla meeji nè kùdi mwà kwikala bantu kaaba aka dilòòlò edi bàdi bavùlùke pàmvwà mulayè Nzambì pa cibùmbà cyà ku cyambilu apa nè: bu Yèyè mwà kwondopa kanwàyi wa maalà à kapyà nè mukàji kampàndà mwikàle nè disaamà dyà cyàdi, mvwa mwà kuya ku myaba milaminyina bwà—bwà kuyiisha ba-Indiens. Nè bàvwa bacìmvùlwije. Nè bònsò bwàbò bàvwa bwondòpiibwe. Nènku mèmè kubànda ku mwaba Mulaminyina wà baa Apache, kwòkù aku Mukalenge kutùpèsha Yè bucimunyi

bunène.

⁵ Ncyèna mwà kuvùluka dîna dyà inábànzà uvwa mwondòpiibwe ku kànsère awu to. Cìvwa mbwalu bwà pabwàbù. Ndi ngèèla meeji nè yèyè ùvwa mpàndànjilà kuntwaku, mwena ma Assablées de Dieu, bwà ku dyànyì divùluka. Twètù kuya nendè, dyèndà m’Mitchell. Nènku ncyà bushùwà. Kùdikù muntu kaaba aka uvwa mu dyòdì disangisha adi kuntwaku mu mwaba mulaminyina dîbà adi, dilòòlò adi anyì? Mémè kudyambidila nè. . . Èyowà’s. S’ncyà bushùwà.

⁶ Mvwa—mvwa ndyàmbidila nè mvwa mwà kwikala ne mvità mikolè. Ncìvwa—ncìvwa mwà kubafikisha ku dyumvwa cìmvwà muswè kwamba to. Ncyàdyakupwàku mwoyi dilòòlò adi to. Kùvwa. . . ntàntà mule paanyimà pàà mémè mumanè kuyiisha katancì, nè mubàmbile bwà Kilstò. Mvwa mwimane pa bibàndilu byà nzùbu wa bwambi awu. Nènku bàvwa bùle tètè mwaba awu, nè bàvwa pambèlu pònsò apu. Nènku mvwa ngàakula naabò. Nènku cintu kampàndà cyà pabwàcì, dilòòlò adi, cìvwa mmwanèètù wa—wa kale wa ba-Indiens uvwabò balwè nendè pa dibaya, nènku balwè nendè mu dîbà kampàndà lwà mu dindà. Nènku bàvwa—bàvwa babolè, mùvwàbo basabùke mu—musùlu. Kusabukabò musùlu kuntwaku, mwaba kampàndà, balwè nendèmu.

⁷ Mémè kukonka nsongààlùme awu. Mémè nè: “Kwèna uciina nè nkwèpi kuwàpeta disaamà dyà bisùlùsùlù?”

Yèyè nè: “Yesù Kilstò munkùbe. Ndi mulwè nè papa wanyì.”

“Bìmpè.” Mémè nè: “Udi witabuuja nè yèyè neòndopiibwè anyì?”

“Èyowà’s.”

⁸ Ùvwa ùzakala nè dikankija dyà mubidi. Nsongààlùmè yìbìdì ayi yìvwa mimwambule. Mémè kusambidila mukùlumpè awu.

⁹ Paanyimà pàà katancì mémè kuumvwa cintu kampàndà cyèla lubilà. Mémè kutàngila panshi; muntu mununu awu ùkaavwa mwambùle dibaya adi paanyimà pèndè, wènda ùnyùnguluka, ùkùpa bantu bònsò cyanza. Ànu diitabuuja dipwekèle dyà kwitabuuja, ke cyònsò cidì cikèngediibwa.

¹⁰ Ndi mvùluka dilòòlò adi, mukàjì kampàndà wa kale wa kalolo wa ba-Indiens, ùvwa nè bipya byà nsuki mile bipwèkè. Nè ùvwa wèndela ku mabaya à balèma, nè àvwa à madyènzela menemene, òwò, àvwa menzè bu micì ya lukòmbo nè citùpà cyà dibaya ku mutù kwàwù aku, bù mùdì dibaya dyà centimètres yìtaanu pa dikùmi, nè pashìishe bajìngilekù mikùsu. Nènku, mu bushùwà bwà bwalu, ewu uvwa ulonda ùvwa. . . Ùvwa mu mulongo, ùfùmina munda mwà nzùbu amu. Kàdi kùvwa mwànà mukèsè wa balùme, wa citende wa ba-Indiens, mwànà mukèsè wa mmwènekèlu wa dikàndà be. Yèyè wàkalwijakaja kutàmba bakwàbò bònsò abu bwà kubwelamù, bwà kubwela

mu mulongo. Nè mukùlàkàji mukwàte nè byà luse ewu ùvwa ùteeta bwà kubwejayè makombo èndè awu. Nè yéyè ùkaavwa mumònè dyondopiibwa dyà bantu bàbìdì anyi bàsàtù kumpàlà kwà kubwelayè mu mulongo amu.

¹¹ Ke mémè kudyàmbidila nè, pàakantàngilàye, nè minyèngù minène, yà ndòndò ayi, nè binsònji bimupwekela mu biina abi pa matàma èndè, mémè kudyàmbidila nè: “Mmamwèndè wa muntu kampàndà.” Ncyàkamwambilakù dîyi nànsha dimwè to, ncyàkamusambidilakù to, cintu nànsha cimwè. Yéyè kwambula ànu mèsù è kuntàngilayè. Nènku mmwenzè ànu ùntàngila, ùmba ùmpèèsha makombo èndè awu nè kwasaye lwendu è kuya, bipeepèle ànu mùshindù awu.

¹² Mwanàanyi wa balùme ùdi ùteeta bwà kulongolola nshinga yidì minyungùlùkile eyi. Nudikù mwà kuumvwa bimpè menemene anyi? Ndi mubale kaabwalu kalonda leelù ewu pa bìdì bitàngila ngu—ngu—ngulube mua nendè ku mwaba wà cijila, nè ndi ngèèla meeji nè nuvwa bamòne. [Muntu kampàndà ùdi ujalamija cikòlokolo cyà Mwanèètù Branham—Muf.] Mpindyewu, abi’s bìdì byumvwikakù bitàmbe bwîmpè, nànsha bìshi. Ke mùshindù wùyaaya mwoyi nànkù awu. Ùdi nè majità àbúngì mu mishindù yònsò, kî mmómò anyi?

¹³ Mpindyewu bantu mbiimanyine kuulu, nè—nè katwèna—katwèna baswè kwangata dîbà kupicisha ditùdì nè cyà kwangata to. Nènku nudi bantu bàà maalu malenga bàà dikèma, mu mùshindù wà nè ndi—ndi muswè kwakulaku neenù ntàntà mule.

¹⁴ Nènku tudi kaaba aka mpindyewu bwà kumòngana nè Bwobùmwe bwà Beena Kantu-ku-byanza bàà Èvànjeeliyò mu Kaabujimà. Nènku mpungilu wa ku cibangidilu wùdi munkaci mwà kwenjiibwa ku Ramada kwàka, wùbanga citùpà cyà ndekeelu cyà. . . Tùmonèbi, nditùkù dyà ngondo kaayi’s? [Mwanèètù wa balùme kampàndà ùdi wàmba nè: “Dyà makùmi àbìdì nè inaayi.”—Muf.] Makùmi àbìdì nè inaayi. Dyà makùmi àbìdì nè diinàyi too nè ku dyà makùmi àbìdì nè mwandamukùlù, ku Ramada Inn. Nènku nekwikalè baakudi bàà dipòkò kuntwaku, Mwanèètù Oral Roberts nè bakwàbò bààbúngì. Nènku ndi. . . Tutu misangu yònsò ànu tupicila mu cikondo cyà dicyònkómoka. Bwà nè, pàdì bantu bàdìsangisha mùshindù awu, tudi tupicila mu cikondo cyà dicyònkómoka ku Ramada Inn eku.

¹⁵ Mbifwànyine kwikala nè Mwanèètù Oral nè mémè tudi bafwànyine kwenza disangisha dyà dyondopa kuntwaku. Katwèna bamanyè to. Aci’s ncifwànyine kwikala ànu cimpè. Èyowà. Pa nànkù—pa nànkù kacya katùtukù—katùtukù banji kwenza dimwè kaaba kàmwè nànsha. Ncyèna mumanyè cùikalàye mufwànyine kwela meeji bwà kwenza disangisha dimwè, yéyè nè mémè bònsò pàmwe to, kàdi mémè ndi muswè

nàнку. Bu yêyè mwà kuntwàlaku, mòna's, netùteete, nè pashìishe kusambidila babèèdi.

¹⁶ Nè katùvwà benzè masangisha à dyondopa to, bu nwènù bamòne's. Katùvwà baabànye twartà twà disambila anyi cintu nànsha cimwè to, bwà cibùngi cyà bantu mu èkéleeziyà mikesè ayi, nudi bamanyè's. Kàdi bantu, mbikolè bwà wèwè kubwejamù bantu nè kubàpàtulamù. Nè pashìishe panùdi nwenza nàнку, cidi cilela dikùngwila dyà bantu basambàkàne, nè mfùmù wa mpùlushi udi utàngila myandà yà midilu kènà mwà kwanyisha aci to. Pa nàнку tudi ànu bu banji kulekela mudimu wà dyondopa too nè mpindyewu mu masangisha, nè biikàle ànu tuteeta bwà kutwàla Mukenji mukesè mupwekèle, wà Èvànjeeliyò. Bwà . . . Nè bwikadi bwènù, nè dikwàcishangana naanyi mudimu pàmwè, nè disambila dyènù bwànyì mèmè, s'bidì binkolesha ku mwoyi bwà mèmè kwikala kaaba aka. Nè ndi ntèkemena nè mayiisha makesè aa àdi ànùkolesha ku mwoyi bwà kutùngunuka, kwikala nè mwoyi bwà Kilitò.

¹⁷ Nè ndi mmòna, misangu yàbùngi nè, bantu bàtu bàfùmìna ku èkéleeziyà kampàndà bàya ku mukwàbò. Nè aci cidi citùfikisha twètù bònsò ku dimanyangana, nè—nè tudi tulwa ànu bu . . . balundà balelèlè muntu nè mukwèndè. Ntu muswè aci. Mbipiciibwe nè twètù basòmbe pàmwè kaaba aka, mu myaba yà mu Dyulu, bwalu tuyàaya mu mwaba wà mùshindù awu wutwikalà pàmwè mu mwaba wà mu Dyulu, mu Dyulu.

¹⁸ Kùvwà mukàndà mukesè wà kadiwù muntùmìna ku poste ditùkù kampàndà. Ndi mufwànyine kunumanyishawù patùdi twenza bu bàdi bàbwelàku neenù mu dipetangana apa. Mwambi kanà yònsò ewu mmumanyè nè, bikèngela wàmbè cintu kampàndà, bwà wèwè kukùmbananganakù nè batèèleji, nè bateeleji kukùmbanangana neebè. Kùvwà ci . . .

¹⁹ Beena kantu-ku-byanza bàvwà bafunde kaabwalu aku mu wabò . . . *Diyi* dyà Beena Kantu-ku-byanza, bwà—bwà kaa . . . Ndi ngèèla meeji nè netùcibìikilè ànu nè cikèèna-kumòna. Nè bìvwà bishìilàngàne ndambù, pa ciibidilu, nè bikèèna-kumòna bintù naabi. Mvwa . . . muumùshìibwe pa mwaba wùmvwà, mubàndishìibwe kuulu. Bìvwà bimwèka bu nè, ncìvwà ndimòna bu muyè muulu kupìta pa musàkà wà nzùbu ewu to. Kàdi's ke mèmè awu mu mwaba mukwàbò mùmvwà mumòne bònsò bàkaavwà bafwè. Bààbùngi bàà kunùdi mbabalè kaabwalu aku, mu bushùwà bwà bwalu. Nè mwòmò amu, paanyimà pàà Yèyè mumanè kungambila nè bàvwà . . . mungambile cìvwàbò, nè bònsò bàvwà cyàkàbìdi bansongà. Nè bàvwà bàà cyà bushùwà . . .

²⁰ Mvwa misangu yònsò ànu nè bwòwà bwà kufwà. Kì nnè mvwa nè bwòwà bwà nè ndi mufwànyine kujìmina to, kàdi ncìvwà muswè kwikala mukishi to. Ndi ànu . . . Ndi muswè kwikala muntu, muntu wetù ewu. Bwalu, ntu misangu yònsò

ànu ngùmvywa bu muntu, ndabulangana ku cyanza nè bantu. Mvwa ngèèla meeji nè: “Ambà tũng bu mêmè mwà kufika kuntwaku nè kutwilangana nè Mwanèètù wa balùme Rose, nè yèyè mufwànyine kwikala kaaditutu kakesè, katòòke anyi cintu kampàndà? Ndi mumanyè nè ùvwa m’Mwanèètù Rose, ku cyumvwilu cikwàbò kampàndà, kàdi ncìvwa mwà kumulabula ku cyanza to. Ncìvwa mwà kwakula nendè to. Anyi. . .” Mvwa—mvwa mwà kudìkonka nè: “Aci kî ncifwànyine kwikala cyà cyenza bwôwà anyi?” Kàdi, mêmè kudyàmbidila nè: “Pashiishe pàngààlukilà, mu bushùwà bwà bwalu, nèngùikalè nè dibìikà dyà ku lufù.”

²¹ Mufundu awu kawùvwa mwânjikù kundwilakù kacya kònsò eku to, nè: “Ntentà wa pa buloba ewu yèyè munyanguke, tukàadi nè mukwàbò mwindile.”

²² Pa nàнку mu dindà adi, mvwa mubiike. Mvwa ndyambidila nè: “Mulùmyànà, wèwè’s udi nè bidimu makùmi àtaanu. Wèwè muswè kwenzela Mukalenge cintu kampàndà, mbîmpè ùlwìjakajè. Neùtambe kukùlakaja be, paanyimà pàà cikondo kampàndà.”

²³ Nènku dyàkàmwè, mêmè kwangaciibwa mu mwaba awu, nè mvwa mwà kutàngila paanyimà nè kudimòna mêmè mwinè kaaba aka. Kacya ncìvwakù mwànji kwenza dilabula adi to. Misangu yàbùngì mvwa mupetè bikeènà—kumònà byà ndimòna mêmè mwinè mwimàne mwaba kampàndà, nè pashiishe. . . Kaa, wèwè kùyì mucyùmvwè to, udi mufwànyine kwela meeji nè udi mujimije lungenyi. Udi—udi *mwab’ewu*, uditàngila wèwè mwinè *kwàwa*. Nè pashiishe udi uumuka *apa*, nè udi mu wèwè *kwàka*. Uh—huh. Cidi pàmwàpa nkale wàwa, anyi bidimu kumpàlà, nè bikwàbò. Mbìkolè bwà kuumvwija, kwèna mwà kuumvwija to, kwèna mwà kucyùmvwija to.

²⁴ Kwèna mwà kuumvwija Nzambì to. Bikèngela ùMwitàbùùjè. Nwamònu anyi? Bu wèwè mwà kucyùmvwija, dîbà adi kî ndiitabuujà kàbidì to. Bikèngela ànu ùcìtàbùùjè.

²⁵ Nènku paanyimà pàà Yèyè mumanè kungambila, pa kumòna bantu bònsò aba, nè bòbò bàvwa. . . Bàvwa nè mibidi. Bòbò. . . Kakùvwakù mwà kwikala mpèkaatù to. Balùme nè bakàji. . . Bakàji abu bàvwa banguupukila, nè bàvwa bakàji. Kàdi kakùvwa mùshindù nànsha wùmwe wà kwikalakù cyàkàbidì mpèkaatù to, bwalu, nwamònu’s, tujilu twà mibidi yètù netwikale tushintùlùke kuntwaku. Tudi nè. . . Tudi nè mibidi mishìilàngàne yà bulùme nè bukàji mpindyewu, bwalu ayi mbwà kulela kuuja buloba, nè dyètù—nè dibàkà dyètù bwà kulela bânà. Kàdi dîbà adi kakwàkwikala kàbidì dijinga dyà cyòci aci to. Kakwàkwikala kàbidì bânà balediibwa to. Katwàkwikala nè tujilu twà masandi mu buloba bupyabùpyà to, nwamònu’s, nànsha kakesè. Kàdi, nànsha nàнку, mukàji neikalè ànu mukàji, mu cipidi cyèndè. Nènku ke mwikalà kàbidì balùme ànu balùme.

Kàdi kakwàkwikala kàbìdì mulùme nè mukàjì munkaci mwàbò, mu mùshindù awu to. Nè tótù tujilu atu katwàkwikalàmù to, pa nàнку kakwàkwikala mùshindù nànsha mukesè bwà Sàtaanà kubènzelayè diyelà kampàndà nànsha.

²⁶ Pa nàнку, mu cyòci aci mèmè kumòna bakàjì aba bàlwa lubilu bangeela mabòko kunshìngù, bàmba nè: “Mwanèètù wa mushinga mukolè, ndi nè disànkà dyàbùngì dyà mùdi kaaba aka.” Mpindyewu, bivwa byà bikèmesha. Bònsò bwàbò, bansongà, bònsò abu bakàjì batàmbe kulengela bàdiku, nè nsukì mile, nè mìzàbì mile, nudi bamanyè’s, bu mùdi nkanzu amu, nkanzu mitòoke zeezeeze. Nè mùshindù mwinè wùvwàbò bàmwèka balenga’s wè!

²⁷ Pashìshe ke bàna bèètù bàà balùme bàlwalwà aba, ànu. . . Balùme batàmbe bulenga bankaadiku mumòne kacya, bàvwa bàmwèka bònsò bu bàvwa nè bidimu bìpacila ku makùmi àbìdì. Nè mèsù àbò, àbàlàkana. Bòbò, kaa, bàvwa bantu bashùwashùwàlè mu kantu nè kantu aba. Ke mèmè kudìkonka. Nènku bàvwa bàngambula bànguupukila bàmba nè: “Mwanèètù wa mushinga mukolè.”

²⁸ Mèmè è kudìkonka mùvwà. . . Mèmè è kwaluja mèsù panshì nè mvwà mwà kudimòna mèmè mwinè *apa*, mucìkalepù, mulààle panshì. Èè, mpindyewu, mèmè kudyàmbidila nè: “Èbu bwalu’s mbwà dikèma.” Ke díbà adi mèmè kukonka.

²⁹ Ki inàbànza mulenga wa dikèma kulwa, kungeelayè mabòko kunshìngù, wàmba nè: “Kaa, Mwanèètù Branham, tudi nè disànkà dyàbùngì dyà mùdi kaaba aka, mwanèètù wa mushinga mukolè.”

³⁰ Mèmè kumutàngila, pàvwàye wènda ùya apu. Ke Dìyì dìvwà dyàkula naanyì adi, kwamba nè: “Kwèna umujingulula anyì?”

Mèmè nè: “Ncyèna—ncyèna mumanyè to.”

Yèyè nè: “Ùkaavwa nè bidimu bipite pa makumi citèemà pawàkamulombolà kùdì Kilistò.”

³¹ Kàdi’s ki yèyè awu, cintu citàmbe bulenga cinkaadiku mumòne, mu mùshindù wà mukàjì kampàndà. Ke mèmè nè: “Kabyèna bikèmesha to mwambiye nè: ‘Mwanèètù wa mushinga mukolè.’” Nwamònu anyì? Mpindyewu kènàku mwà kushintuluka kàbìdì to. Ùdi mùshindù awu bwà Cyendèlèlèlè.

Mèmè nè: “Ndi muswè kumòna Yesù.”

³² Yèyè nè: “Yèyè ùdi muulu menemene kupita apa. Dìngà ditùkù Yèyè neàlwe, nè wèwè neùlumbulwishiibwe ku Èvànjeeliyò uwàkayiisha, bwalu wèwè uvwa mulombodi.”

Mèmè nè: “Èè, nebikèngelè bwà Pòlò kulumbulwishiibwayè pàmwè nè musùmbà wèndè anyì?”

Yèyè nè: “Èyowà.”

Mémè kwamba nè: “Ndi muyiishe Èvànjeeliyò ànu umweumwe wákayiishayè awu. Ànu menemene mùshindù wàkaMwambàye awu, ke mùshindù wündi muMwambè.”

³³ Ke miliyò yà mèyi ayi kwelawù lubilà lukolè nè: “Pa Cyòci aci mpatùdi biikishile.”

³⁴ Pashiishe cintu cyà pabwàci kwenzekaci. Kale wàwa mvwa nè kàbalù kakesè, kàà dibànda, nènku mvwa—mvwa nkàbiikila nè Prince. Kàdi mùshindù mwinè wùmvwà munangè kàbalù kakesè kàà kale aku’s wè. Mvwa nè ciibidilu cyà kwenda mubàndepù dindà dyònsò, kumpàlà kwà kàlaasà, ngènda ntàngila matèyi àanyi. Ke mémè kumòna kàbalù kakesè kàà kale aka kàlwa katàngile kùndi, nè kàntenteka mutù pa dikaaya, nè kàkèkemena. Ke mémè kukàtuuta cyanza pa makaaya. Mémè nè: “Prince, mvwa mumanyè nè wèwè newikalè kaaba aka.” Ke mémè kuumvwa cintu cindàka ku cyanza. Cìvwa mbwa wanyi wa kale wa dilemba nendè nshimbà awu. Yèyè awu ke wákambwejija mu kàlaasà, kunsùmbila bilàmbà, mu dizomba amu. Mémè nè: “Prince, anyi, Fritz, mvwa mumanyè nè wèwè pèèbè newikalè kaaba aka.”

Dibà adi mémè kuumvwa cintu kampàndà cyènzeka. Mvwa ngàalukila.

³⁵ Aci cìvwa cifùnda mu *Diyi* dyà Beena Kilistò bàà Kantu-ku-byanza amu. Nènku mwambi kampàndà mmumfùndile ditùkù adi. Yèyè nè: “Ndi mwanyishe cikèènà-kumòna aci, Mwanètù Branham. Cìvwa cyùmvwika cimpè be too nè pawàtèedi bwalu bwà tùbalù abu. Dyulu ditu dyenzela bantu. Kakùtukù cintu pààci nè ntùbalù mu Dyulu to.”

³⁶ Èè, mémè nè, mémè kumwandamuna. Mémè nè: “Mwanètù, ncitukù mwambè nè mvwa mu Dyulu to. Mvwa nkonka mwaba wùvwà Yesù ùsanganyibwa, kàdi Yèyè ùcìvwa ànu dyàmwàmwà.” Mémè nè: “Kàdi bu cyòci mwà kukwambulwishakù ndambù, Mukàndà wà Bwàkabuulwibwà, mbambè nè: ‘Pààkapàtukà Yesù mu Maulu à maulu, Ûvwa mubànde pa kàbalù katòòke.’ Nè cilwilu cijimà cyà mu Dyulu cìvwa cyènda cìMulonda, pa tùbalù tutòòke. Nwamònu anyi? Pa nànkù aci cìvwa cifùmina mu Dyulu dyà maulu.”

³⁷ Kàdi cìvwà cìmfikisha ku didyùmvwa bilenga be, pangàakabanga kwalukila, Yèyè kwamba nè: “Bònsò bawùkaadiku munangè, nè bònsò bàkaadiku bakunangè, Nzambì mmukupèshèbù.”

³⁸ Dìngà ditùkù dilengèle, ku luseke lukwàbò, nebiiikalè bishiilàngàne. Ncyènà ànu mwà. . . Nwènu bantu, kanwèna ànu mwà kwitaba, bwà kupangila mwaba awu to. Kanwènjikù nànkù to. Cyònsò cyùdi wenza, enza. . . Kwikadi nè bwòwà to. Kabyèna bikèngela bwà kwikala nè bwòwà to. Kakwèna cintu nànsha cìmwè cyà kumvwila bwòwà to.

³⁹ Kaa, pangààkeelà meeji bwà kwalukila, byàkampà dibungama. “Nebikengelè bwà mèmè kwalukila cyàkàbidi anyi? Nebikengelè bwà mèmè kwalukila, ku címvwà ngùmvwà bwòwà bwà kwikala aci anyi?” Nwamònu anyi? Nè pashiishe patùdì tulwa ku mubidi mubiishibwe ku lufù, díbà adi netùdye nè netùnwe. Kabàvwa bàdya nè bànwa to. Kabàvwa dijinga dyà kudya nè kunwà to. Kabàvwa bàya mwaba nànsha wùmwe to, nè kabàvwa bacyòka to. Cívwa ànu . . . Kakwèna mwàkù nànsha wùmwe wùndiku mufwànyine kukwàta naawù mudimu to. Cívwa cipwàngàne; kí ncifwànyine kù kucyùmvwija to. Ncipite cìndì mèmè mbiikila nè ncipwàngàne aci. Bàvwa—bàvwa ànu beeyèke, ki civwàci, mu—mu mwaba awu, nè bivwa bilenga byà kacya.

⁴⁰ Pa nàнку, kaa, tèelejàayi, balundà bàanyi. Ndi—ndi ngèela meeji nè ndi nè meeji àanyi mu òwò, nè ndi—ndi—ndi mumanye nè cidi cyùmvwika cyà pabwàci. Kàdi kacya ncitukù mwanjì kukumbana, nè ncitukù mwanjì kuteeta bwà kuumvwija bantu bintu ebi to. Bintu byàbùngì bìdì . . . Mbipite dyumvwija kule nè kule. Nènku udi mufwànyine kubweja ànu lungenyi lwà bantu mu cibwejàkàjì. Kàdi bu mèmè nè mùshindù, nè mudyumvwè bwà kwenza nàнку awu, mbifwànyine kubazwija.

⁴¹ Kàdi mònaayi eci. Ndi ngàmba nùнку. Kanùcìnyì to. Lufù lùdì ànu cìfwèbà, lùteeta bwà kukupangisha bwà kuya ku cintu kampàndà. Ekèlekèle, mbyà butùmbi be! Mbipite cyònsò cyùdiku wèwè mufwànyine kwelela meeji aci. Kabyèna bikèmesha to mùdì Bible mwambè nè: “Bìdì dísù kadiyi dimòne, bìdì dicit kadiyi dyùmvwè, anyi cidi kaciyi cyànji kubwela mu myoyi yà bantu cidi Nzambi mubàtèekèle mu cibùcìlu aba bàdì baMunangè.” Kaa, ànu bwà kutàngila dyàmwàmwà dyà ridó wa cikondo’s! Díbà adi, ndi muteete bikolè kutàmba kwònsò eku mu nsòmbelu wanyì, bwà kuteeta bwà kupetela Kilistò bantu, kubangila ànu cikondo aci. Kwitabikù bwà kucipangila to. Kwenji nàнку to. Ikàlà mutwìshibwe nè udi mu dyumvwangana nè Nzambi, nè bikwàbò bintu nebiikalè bìmpè.

⁴² Mpindyewu, ndi ànu nè tuntu tukesè tufùnda kaaba aka, ngèela meeji nè ndi mufwànyine kwakulapù ndambù dilòlò edi. Nènku ndi ngèela meeji nè màalabà dilòlò netwikalè mu ntàntà mule, mu kilómèètà mitwè ku makùmi àsàtù nè yibìdì kuumukila kaaba aka, anyì mipite apu. Ku Mesa, ngèela meeji nè nkwòkò. Mesa. Nku Mesa anyi? Mesa. Nè pashiishe dilòlò dyàlondà ku Tempe, mu Tempe. Nènku ndi nè ndongamu wa díbà mu mpaaya mwànyì emu, wa mu cibejibeji cidi Mwanèètù Williams mumpèèshe. Kàdi, mvwa nè mudimu wàbùngì be, ncyèna ànu mwanjì kumukenketa to. Billy ùdì ànu ùlwa nè ùngangata, wamba nè: “Tuyàaya mwaba *kampàndà* nè mwaba *kansanga*,” kadi’s ke twètù bàyaaya aba. Díbà adi ndi ndwa mwab’ewu, nè yèyè ùdì ùteeta kumfinakaja.

⁴³ Mpindyewu, bantu bònsò bàdì bàdyùmvwà batèndeledi bàà

menemene anyi? Ambàayi nè: “Amen,” panwikalà nudyùmvwà nànkù. [Disangisha didi dyàmba nè: “Amen.”—Muf.] Bìmpè be. Abi’s mbìmpè. Mpindyewu, twìnyikàayi ànu mitù yètù mpindyewu.

44 Bu, mutùvwà ànu, nè ngaakwilù wetù mukèsè wa tunèkakù’s. Tudi bânà, nè tudi tudìkungwija nè twakula bu bânà. Nènku tudi. . . Nànsha Nzambì mene ùtukù ùnèka, nudi bamanyè’s.

45 Pa nànkù twìnyikàayi mitù yètù mpindyewu bwà twàkulèku Nendè kumpalà kwà twètù kubala Dìyi Dyèndè. Patùcìdì nè mitù yètù miinyika apa, kùdikù aba mwab’ewu bàdì nè dilòmba dyà disambila anyi? Dìmanyishiibwè ku cyanza cyèbè cyela muulu. Nzambì àkubènèshè. Twìnyikàayi mitù yètù mpindyewu.

46 Taatù wetù wa mu Dyulu, tudi tubwela mu Bwikadi Bwèbè mpindyewu patùdì twinyika mitù yètù nè myoyi yètù mu didìpwekesha apa. Tudi tuseemena ku diitabuuja, dyàmwàmwà dyà ngondo nè mìtootò, batàngile ku Nkwasa wa butùmbi wa Nzambì, mu Dìna dyà Mukalenge Yesù, bwalu tudi batwìshiibwe nè twètù tulwa mu Dìna Dyèndè Wèwè neütütèlèlèjè. Netwikalè biitabiibwe mu Bwikadi Bwèbè mu Dìna Dyèndè. Ndyèsè kaayi’s wè, dyà kumanyakù nè tudi biitabiibwe mu Bwikadi bwà Nzambì, mu Dìna dyà Yesù Kilistò.

47 Nè Yèyè mmutwàmbìle, Taatù, nè cyònsò citùdì balòmbe mu Dìna Dyèndè, bwà nè Wèwè, mu bùngì buvule bwà luse nè ngàsà Webè, udi mwà kutùfwilakù luse ku mpèkaatù yètù nè kutùpèèsha dijinga dyètù. Taatù, tudi nè disànkà dyàbùngì bwà bwalu abu. Kakwèna cikwàbò cintu citùdiku bafwànyine kwelela meeji, cìdì cifwànyine kwikala dyèsè ditùmbùke, kutàmba kwikala nè dyèsè edi to.

48 Ncifwànyinekù kwikala dyèsè bwà twètù beena-mwàbò bàà Àmèrikè kuseemenakù kùdì mfùmù wetù wa ditùnga. Nè byònsò biinè bitùdì bafwànyine kwikala nè cyà kwenza, nè kukùmbaja, bwà kuseemena kùdì mfùmù wa ditùnga bwà katanci kakesè cyanàànà, bwà kwangatakù kasunsa kàmwè mu ndongamu wèndè wa midimu yàbùngì yà dyanza awu. Tuvwa bafwànyine kupicila mu maabirò, nè—nè mu mishindù yònsò, bwà kufika ku dilwa, nè bikèngela kufila tubingilà twètù, nè—nè bàvwà nè cyà kutùkenketa kumpalà kwà twètù kupeta dyèsè adi.

49 Kàdì, pa kwela meeji ku bwalu abu: Nzambì, Mufùki wa maulu nè buloba, mmwindile bwà twètù kuseemena. Twètù, bangènzàmpèkàatù bàdì kabàyi bakùmbànyine aba, Yèyè mmwindile bwà twètù kuseemena mu Dìna dyà Mukalenge Yesù, nè ditwìshiibwa dyà nè netùpeeshiibwè citùdì tulòmba aci, bu twètù ànu mwà kwitabuuja nè netùcipètè. Dìbà adi, tudi bafwànyine kutàngila malòmba ètù pabwìpì menemene nè kumanya nè katùlu kwakula mu mùshindù mukùtākàne anyi

kulòmba mu mùshindù mukùtākàne to. Nènku twètù benzè nàнку, tudi tulòmba bwà Ûtufwilèku luse, Mukalenge.

⁵⁰ Nènku tudi tulòmba dilòòlò edi luse bwà cyònsò cyà ku byanza bìvwà byela muulu ebi. Swàkù bwà malòmba àbò àfidiibwe kùdìbo, Mukalenge. Swàkù bwà bùmvwèku ditwìshiiibwa munda mwà mwoyi wàbò mpindyewu mene, nè, patùcìdì mu Bwikadi Bwèbè apa, nè, patùdì tutàbeeja mèsù nè tujuula mitù yètù tuyùmusha ku lupwishi, kŪvwà mutùfwimbile aku, swàkù bwà tùmvmwè ditwìshiiibwa didì dylèlè lwongò adi nè tudi bapèèbwe citùdì balòmbè aci.

⁵¹ Tudi baswè kulòmba bwà bòbò abu, Mukalenge, pàmwàpa mu nzùbu emu dilòòlò edi, bàdì kacya kabàyikù bânji kubwela mu Bwikadi Bwèbè, mu disambila, bwà kulòmba difwidiibwa dyà luse ku mpèkaatù to, swàkù bwà edi diikalè dilòòlò diikalà cintu kampàndà mwà kwambiibwa, anyi cintu kampàndà cyènjiibwè, anyi cyenzedi kampàndà cyà Nyumà Mwîmpè cyàfikisha myoyi yàbò ku dizakala nè kulòmba ngàsà udi ufwa luse awu.

⁵² Ondòpàku babèèdì. Mukalenge, tudi tulòmba bwà Ûbàpèèshèku, dilòòlò edi, ditwìshiiibwa dyà nè disambila dyà diitabuuja didì mpindyewu munkacì mwà kusambidiibwa. “Nènku nedisungile mubèèdì.” Bwalu tudi bafwànyine kwamba, nè kusàkidila eci, nè aci ng’EMU MMŪDÌ MUKALENGE WÀMBA, bwalu ncifùnda mu DĪyĪ dyà Mukalenge.

⁵³ Mpindyewu, Taatù, tudi tulòmba bwà Ûbeneshèku nsèkè mikesè yìdì milongolola kaaba aka leelù ewu bwà DĪyĪ Dyèbè eyi. Tùpatule mu kubala eku cyena bwalu kùdì mwoyi ònsò. Kàdì bu mèmè mwà kupangila mu mùshindù kampàndà, Mukalenge, nè kupangila dilaabiibwa dyà Nyumà Mwîmpè, swàkù bwà Yèyè mu ngàsà wa Nzambì àye nè DĪyĪ nè àDitèèkè mu mwoyi wùvwàDi nè cyà kwikala awu. Nè swàkù bwà nè dilòòlò edi tùmoneku cyanza cyà Wa Bukolè bònsò cyolola munda mwà nzùbu emu, nè cyènza bintu bìikalà bibòdyòke kumutù kwà byònsò bitùvwà mwà kwenza anyi kwelela meeji abi. Patùumukà dilòòlò edi kuya ku mbànzà yètù mishiilèshiiilàngàne, swàkù bwà twikalèku bakùmbàne mwà kwamba mùvwà bàvwà bàfùminà ku Èmawùsè abu nè: “Myoyi yètù kayìvwà yilàkuka kapyà munda mwètù, pàvwàYe wàkula neetù mu njila apu anyi?” Bwalu tudi tulòmba nùнку mu DĪnà Dyèndè. Amen.

⁵⁴ Mpindyewu, bantu bààbùngi bàtu bàfùnda’s, cyena-bwalu cìdì mwambi ùkwàta naaci mudimu. Nènku mèmè, bu nwènù mwà kuswà kufùnda mpindyewu, ndi muswè kubala myaba yibìdì mu Mifùndu Minsantu. Mbwenà kwamba nè, mu Genèsè nshapità wa 22, netùye dyàmbedi bwà kubala. Nè pashìishe mu Yone Munsantu 12.32, netùbalè bwà citùpà ciibìdì cyà Mufùndu. Mpindyewu, mu Yone. . . Mu Genèsè 22, tudi tubangila ku mvensà wa 7 wa nshapità wa 22.

Ke Izàkà kwakulayè nè Abraham tatwëndè, nè kwamba nè: Taatù Wanyi, ke yèyè kwamba nè: Mmémè ewu, mwanàànyi wa balùme. Ke yèyè nè: Mònaaku kapyà nè nkùnyi, kàdi mwánà wa mùkòòkò bwà mulàmbù wà dyosha awu wépi?

Ke Abraham kwambayè nè: Mwanàànyi wa balùme, Nzambi neàdìlongòlwèlè yèyè mwìnè mwánà wa mùkòòkò bwà mulàmbù wà dyosha awu, ke bùbìdì bwàbò kuyabò pàmwè.

55 Nènku mpindyewu mu Yone Munsantu 12.32, tudi tubala Mèyi aa à ku mishìkù yà Mukalenge wetù.

Nènku mèmè, mèmè mubàndishùbwe muumùke pa buloba, nènkokè bantu bònsò kùndì.

56 Nènku mpindyewu bwà cyena-bwalu cìndì njinga kwakwilapù, pa cyòci eci, cìdì nè: “Kwitaba njila mulongolola wa Nzambi bwà cikondo cyà nshìikidilu.” Lekèlaayi ncitèèla cyàkàbìdì, bwalu, pa mikàbà yà mèyi, ndi ngèèla meeji nè bàdi munkaci mwà kukwàta Mayiisha aa pa mikàbà yà mèyi, nè pa mikàbà yà mèyi yitùdì naayi, yà byena-bwalu bitwè ku nkàmà yitaanu bìndì ncinka nè ndi muyiishèpù, bàdi nè cintu kampàndà cyà cifwànàngàne nè cyòci aci, kàdi kí ng’eci menemene to. *Kwitaba Njila Wa Nzambi Mulongolola Ku Cikondo Cyà Nshìikidilu.*

57 Nudi bamanyè’s, kùdì njila yàbùngì yìdì—yìdì bantu bàngata, kàdi mu bushùwà bwà bwalu kùdì njila ànu yìbìdì yìdì muntu mwà kuya, miinè ayi, nnjila mwímpè nè njila mubi. Nènku twètù bònsò mwab’ewu, dilòòlò edi, tudi mu umwe wa ku njila ayi, wa mwímpè awu anyi wa mubi awu. Kakwèna wa munkaci to. Yesù wàkamba nè: “Kwèna mwà kukwàcila Nzambi mudimu nè *maamòna* to,” mbwena kwamba nè, “byà pa buloba.” Anyi tudi babinge anyi bapille.

58 Nènku mpindyewu bu twètù ànu mwà kuumuka mu njila wetù sungasunga, ke mùshindù wùmwèpelè wutùdiku mwà kubwela mu njila wà Nzambi. Nè Nzambi mmusebè njila mulongolola bwà bintu byònsò. Yèyè mmulongòlòle njila. Nè mwaba wutùdì tukabwela mu lutàtu, mpa kubènga kulonda njila awu, nè—nè kufinyikaMù yètù njila sungasunga. Nènku aci ke cìdì cikònyangaja maalu. Nè cintu kanà cyònsò cìdì cikònyangaja kì—kì ncyà kweyemena nànsha. Pa nànku, Nzambi ùdì nè njila kampàndà. Nènku twànjàayi ànu kutàngila yimwè yà ku njila Yèndè.

59 Twànjàayi kwangata cintu kampàndà mu bufùki. Bwalu, bufùki ke bùvwà Bible wanyi wa kumpalà. Ndi mumanyè nè Nzambi m’Mufùki, nè Yèyè wàkafùka bufùki. Nè Yèyè mmusòmbèle mu bufùki Bwèndè, mu bufùki.

60 Twàngatàayi, cileejilu, mucì. Ndi mfùma ku diimanyika màshinyì mwìnshì mwà wùmwè, kùkaadi katancì pambèlu

pàapa, anyi Billy ngudi mwimànyike màshinyi, mwikàlepù nè matàmbà. Kè mèmè kumòna mabèji àmata. Mpindyewu, kacya katùtukù banji kukùmbana, nè katwàdyàkukùmbanakù, bwà kupeta mùshindù mutàmbe bwímpè bwà mucì kusokokawù mwoyi wàwù mu movù wà mashika mujimà, kutàmba njila mulongolola wa Nzambi bwà wòwù kusokokawù mwoyi wàwù to.

⁶¹ Mpindyewu, kàdi bu twètù bateete bwà kukwàtakaja njila mukwàbò kampàndà mushiilàngàne nè njila mulongolola wa ciibidilu bwà mucì awu? Ambà tǔng bu ngondo wa cimungu wa mashika yònsò anyi ngondo wa kabitende, nangàngà mu citùpà cyà buloba mǔndi mfùmina emu, cyà ku Nord, bu twètù mwà kupàtuka kuya ku budimi bwà pomme bwà kwangata cyamù cyà—cyà mudimu kampàndà nè kucitèèka mu mucì, lwà pabwìpì nè ngondo wa cimungu wa mashika paanyimà pàà bimuma byà pommes bimanè kuboba, nè kupàtula mwoyi mu mucì amu nè kuwùbweja mu mwaba mwímpè wà luuyà, nè kuwùlama mu movù wà mashika, mwoyi, màyi à mwoyi àdi àpàtuka mu mucì, nè kuatèèka mu cibùcilu cimpè cyà luuyà nè kuàlama too nè mu movù wà bintu bitòloka, nè pashiishe kuàluja mu mucì? Nudi bamanyè's, abi kí mbifwànyinekù kukùmbana to. Kí mbifwànyinekù kwikala nàнку to. Kàdi kuteeta bwà kucyènza ncifwànyine ànu kushipa mucì awu.

⁶² Kàdi Nzambi ùdi nè mùshindù wà kucyùka mwoyi awu mu movù wà mashika mujimà. Nzambi wàkaseba njila. Mumanyè nè movù wà mashika ùvwa mwà kulwa pa mucì, Wàkaseba njila bwàwù. Mvwa mupetè dyèsè dyà kulombola mwena dyabùlù wa bidimu makùmi mwandamutekète nè bitaanu kùdi Kilistò, ku cyòci aci, àbìdi àdi panshì aa.

⁶³ Mukalenge Wood, mutumba naanyì, kàdi's yèyè ùvwa Ntèmu wa Yèhowàh ku diitabuuja. Nè yèyè ùvwa nè mwàna wa balùme mulèma, ùvwa nè mukòlò mwipidike. Nè mukàjèndè, ngèèla meeji nè, ùvwa wa mu nkwaka wa—wa Église de Dieu wa Anderson awu. Nènku bààkalwa ku Louisville, ku Kentucky, kùvwàbo basòmbele mu kaaba kakesè kàbiiikiidiibwa nè Crestwood, mu ntàntà wa kilòmèètà mitwè ku makùmi ànaayi nè mwandamukùlù kuumukila ku Louisville.

⁶⁴ Nè mu masangisha mu cibambalu amu, kumònabò nsongààkàji kampàndà uvwa nè disaamà edi, dyà, mwikàle ùshintuluka ùshààla lupèmbà anyi dibwe. Nè ùkaavwa, mumanè kutekeshiibwa, lwà kuulu kwà cimònu eku, mu mùshindù wà nè kàvwa munyùngèku to kùkaavwa, kaa, ngondo yàbùngì. Nè ùvwa dibangile ku makàsà èndè aku. Bàvwa bamusambidile, dilòlò kampàndà, nè ditùkù dyàkalondà ùvwa ùnyeema ùbànda ùpweka nè bibàndilu, nè mwèndè mwònsò.

⁶⁵ Ke Mukalenge Wood kulwayè nè mwanèndè wa balùme awu. Mu bushùwà bwà bwalu, yèyè kàvwakù mwànji kubwela mu

disangisha to. Nè dyàkàmwè paanyimà pàà cyôci aci, mêmè kuya dyàmwàmwà dyà mbù, mêmè kuya bwà Mukalenge wetù. Nènku mu dyalukila amu mvwa ngènza disangisha lwà kuntwaku . . . mu Ohio, ke kulwayè nè mwànà wa balùme awu, dyèndè David. Nè yèyè ùvwa musòmbe lwà paanyimà pàapa, kaa, pabwîpi nè ntântà wa mùsèèsù wùmwe.

66 Ke Nyumà Mwîmpè kubwela nè kwamba nè: “Kùdi muntu kaaba aka dilòòlò edi. Nè yèyè nè mukàjèndè mbasòmbe lwà paanyimà menemene pàapa.” Kacya bândela ncitu mwânji kumumùna to. Ke yèyè nè: “Muntu awu, dîna dyèndè ng’Wood. Yèyè awu mmwibaki wa nzùbu. Ùdi nè mwànà wa balùme mucibwila panshi uvwa nè tunèkè, cidi cimushiye nè mukòlò mudikòke. Kàdi, EMU MMÛDÌ MUKALENGE WÀMBA, mwànà balùme awu mmwondòpiibwe.”

67 Mùvwàye kàyì mwibidile nè byà mùshindù awu to, mwànà wa balùme awu kushààla musòmbe mwaba awu bwà katancì. Ke paanyimà pàà katancì, mamwèndè kwambayè nè: “Davidi, bwà cinyi kwènàku uteeta bwà kujuukila kuulu?” Kàdi pààkiimanàye kuulu, mukòlò ùvwa mwakàne ànu bu mukwàbò.

68 Muntu awu wàkasumbisha cyapù cyèndè nè kumwàngalayè, kulwa kusòmbelayè mutwàngane naanyi. Kaa, yèyè’s mmwanèètù mulenga wa dikèma! Dîndà kampàndà pààkamanyàye nè mvwa ndwa mwaba ewu bwà cipòòlù cileepesha, ùdi . . . Pa kabundubundu, pangàakuumukà kumbèlu, ki yèyè awu, mwimàne pambèlu apu mu mùsèèsù, ùdila mwadi mùshindù *awu*; wimanyika màshinyi, bu ùvwa ùkèba bwà kuya naanyi. Nè kungeelayè citupà nè kupwekayè nè mùsèèsù. Mwanèètù mulenga wa dikèma’s! Yèyè’s n’nyànaanyi wa bushùwà.

69 Tuvwa bapweke mu citupà cyà buloba cyà mu Kentucky mwàmwa, tulemba nshindi, kùkaadi bidimu bitwè ku bisàtù. Kàdi kuulu kùvwa kuuminyine ànu menemene. Nènku mpindyewu, byòbì nè umwe wa ku nwenù beena ku esètè aba mmumanyè cidi nshindi mufikùlùke, yèyè . . . Houdini mpilù mu didifinda awu mmushààdile, kùdiye, pàdiye mukwàcìike bwôwà. Pa nàнку, ntu munangè kuyizomba, pa nàнку tutu tuyizomba nè cingoma cyà .22. Nè tuvwa bakalembe. Mvwa mu diikisha dyànyì kùkaavwa mbingu mitwè ku yibidi, nè tuvwa bàsè citùùdilu kuntwaku. Kuulu kùvwa kùmè ncyoncyoncyo. Nè uvwa mwà kwendela ànu mwitu amu nè udyata di—dibèji, nè kalùmyànà kakesè aku, kaa, ekèlekèle, yoyòyò, kwèna ànu mwà kukàmòna to. Kàkaadi kamanè kuya.

70 Ki Mwanèètù Wood kwambayè nè: “Mwanèètù Branham, ndi mumanyè kaaba ka—kampàndà lwà kwînshi eku kàdi nè bipòngòpòngò byondòke munda.”

71 Mbanganyi bàdi bamanyè cidi cipòngòpòngò? Èè, udi wa mu citupà kaayi cyà Kentucky? Kàdi’s ki mùdìbo bàcibiikila

mu Kentucky mwàmwa. Mùnwemu, ndi ngèèla meeji nè nudi nucibiikila nè lupòngò anyi cintu kampàndà, mùtù màyi àpwekela. Nènku nudi nubwela mu myaba yà ndòndò ayi, nè mùcìdi ànu citeleela, nè nudi mwà kwenda kàdi kanùyì nwenza mutooyi to.

⁷² Yèyè nè: “Kàdi mukulumpe awu mmwena dyabùlù, nènku, kaa, yèyè’s ùtu mukìne bayiishi.” Nènku mwà nsanganyiibwa mu citùpà cyà buloba aci ànu musangu ùmwè kumpàlà, nè ciinè aci cìvwa mmu disangisha kampàndà.

Ke mèmè nè: “Èyo. Wèwè, udi mumumanyè anyi?”

Yèyè nè: “Yèyè mmumanyè papa wanyì bìmpè menemene.”

⁷³ Mèmè nè: “Tùyaakù tükamulòmbè, bwalu katwèna nè bwà nsongo nànsha bùmwe kaaba aka to.”

⁷⁴ Ke twètù kuya kuntwaku mu kàshinyi kèndè kakesè amu, twètù è kupicila mu meetu amu, twenda tupweka kwìnshì kwà tukùnà. Kaa, ekèlekèle! Ndekeelu wa byònsò twètù kufika pa kaaba kakesè. Nènku kùvwa bantu banunu bàbìdi basòmbe mwìnshì mwà mucì wà pømmes. Cìvwa lwà ku matùkù 20 à ngondo wa cimungu wa mashìka.

⁷⁵ Ke kupàtukayè mu màshinyi amu, kuyayè kuntwaku, è kwambayè nè: “Dìnà dyànyi ndi Wood.” Yèyè nè: “Ndi Banks Wood.” Yèyè nè: “Ndi ndikonka ní mbifwànyìnèkù kwikala bìmpè bu twètù mwà kulemba nyama mu kaaba kèbè emu.”

Yèyè nè: “Udi mwànà wa Jim Wood anyi?”

⁷⁶ Mpindyewu, tatwèndè mmubadi wa mu Bantèmù bàà Yèhowàh, anyi ncìvwaye. Nènku dìkù dijimà dyàkalwa kùdi Kilistò, muntu nè muntu, ku bikèèna-kumòna. Muntu nè muntu, bibàmbila ànu menemene cìvwa mwà kwenzeka, nè kwenzekabi ànu mùshindù awu. Kaa, mùshindù mwìnè wùndi njinga kwimanyikakù bwà kunùlondela ànu bwalu bwà dìkù adi, mùshindù ùtùbu babwèlè’s. Yònsò wa ku bânà abu ùdi mu Bukalenge bwà Nzambi mpindyewu, mubàtìijìbwe nè Nyumà Mwìmpè.

⁷⁷ Nènku ke pàakaciitabà Banks, bèndè . . . bantu bèndè bònsò bàakamwipata. Kujikè. Ùvwa pambèlu.

⁷⁸ Kàdi, ku umwe ku umwe, yònsò wa kùdìbo uvwa upicila mwaba awu, bwà kumwela mwoyi nè “wetwàwu” awu, Nyumà Mwìmpè ùvwa mwà kumubàkula nè kumwàmbila maalù, nè pashìishe ùvwa mwà kubwelamù. Nènku pashìishe ùvwa mwà kuya kambila mukwàbò. Pashìishe ùvwa mwà kulwa, Cìvwa mwà kumwambila cintu kampàndà, pashìishe ùvwa mwà kulwa. Nènku mùshindù awu ke wàkabwela dìkù dijimà adi mu Kilistò. Nè patwàkapàtukà . . . kupàtùka mu . . .

⁷⁹ Kupàtukayè mu màshinyi amu, nè kwambilaye muntu awu. Yèyè nè: “Udi mwànà wa Jim Wood anyi?”

Yèyè nè: “Èyowà.”

⁸⁰ Yèyè nè: “Jim Wood mmuntu wa meeji matòòke. Èyowà’s, mukalenge. Enza mùdì muswè amu. Zombà mwaba wùdì muswè awu.”

⁸¹ Yèyè nè: “Twasàkidila.” Yèyè nè: “Ndi mulwè pàmwè nè mpaasàtà wanyì.”

⁸² Yèyè nè: “Wood, udi muswè kwamba nè udi mutàmbe kubìpa byà ukààdi wenda nè muyiishi mwaba wònsò wuyaayà anyì?”

⁸³ Mémè kudyàmbidila nè díbà díwva dikùmbàne bwà mémè kupàtuka. Ki mémè kupàtuka mu màshinyì amu, ki mémè kuseemena. Kaa, ekèlekèle! (Nwènú bàna bèètù bàsòmbèlà nulemba nyama. Baa bilembi naanyì, ndi mumanyè nè nudi mwab’ewu.) Nè mùshindù mwinè ùmwà nè makeji à mashi nè manyaanù, nè myedi mimpàtùke *mòna* bule, nudi bamanyè’s; ncìwva mwòwe màyi to munda mwà mbingu yìbìdì mijimà, nè, kaa! Pa nàнку mémè è kupàtuka mu màshinyì nè kuseemena. Ke yèyè kumbàndisha kumpwekesha, misangu yìbìdì anyì yisàtù. Ngèèla meeji nè ùwva ùdyàmbidila nè: “Muyiishi kampàndà’s!”

Mémè nè: “Wetwàwu!”

Ke yèyè nè: “Wetwàwu.”

⁸⁴ Nàнку ke Mukalenge Wood kubangayè kummanyisha kùdiye wàmba cìmwà, wànyì . . . mpaasàtà wendè. Ke yèyè nè . . .

⁸⁵ Kumpàlà kwà kupetayè mpùnga wa kucyèza, muntu mununu awu kwambayè nè: “Èè,” yèyè nè, “ndi nkwabìla mpindyewu mene.” Yèyè nè: “Ndi—ndi mumanya nè ndi mwena dyabùlù. Ncìtu nè byàbùngì byà dyenza nè nwènú balùmyàna, bàdì nudìbìikila nè mbayiishi abu to.”

Mémè nè: “Èyowà’s, mukalenge. Èyo.” Mémè nè: “Aci’s ncilààle ku mmwènnu’s.”

Ke yèyè nè: “Èè, udi mumanyè’s, mémè ndi mwena bupidyà.”

⁸⁶ Mémè nè: “Ncyèna ngèèla meeji nè aci ncìfwànyìne kwikala cyà diditùmbishila to. Udi wela meeji nàнку anyì?”

Yèyè nè: “Èè, ngèèla meeji nè kì ncyà diditùmbishila to.”

⁸⁷ Ki mémè kwamba, mémè kudyàmbidila munda mwà mwoyi wànyì nè: “Mukalenge, bu Wèwè mwà kunkwàcishakù, Enza nàнку mpindyewu.”

⁸⁸ Pa nàнку muntu mukwàbò mununu awu musòmbè mwaba awu, kààkambakù bwalu nànsha bùmwe to. Bifulu byà kale byà lutanda lunène abi ku mutù, ncyèna mumanyè nè ncinyì . . . Nudi bamanyè cidìci, citelakaja nè myonjì yìbìdì, nudi bamanyè’s. Ke nàнку kusòmbabù mwaba awu katanci.

⁸⁹ Ke díbà adi kwambayè nè: “Nudi bamanyè cìntù mbènganganyina neenù bakwètù anyì? Nudi nubùlukila mucì mubi.”

⁹⁰ Mbanganyi bàdì bamanyè cìdì aci cyùmvwija nè, “kubùlukila mucì mubì”? Awu’s mbwa wudi wushima, nudi bamanyè’s, wudi wubùlukila mucì mubì. Nyama ùkaadi mumanè kuumukakù muye. Kakùcyena cintu nànsha cimwè kuntu kwàka to. Nwamònu anyì?

⁹¹ Ki yèyè nè: “Nwènù bayiishi nudi nubùlukila mucì. Kakùyi cintu nànsha cimwè kuulu aku to,” mu ngaakwilù mukwàbò. “Udi wakula bwà Nzambi, nè cintu pàaci nè n’Nzambi kacitukù to.”

“Èè,” mèmè nè, “mu bushùwà bwà bwalu, tudi twitabuuja nànkù.”

Yèyè nè: “Èè, udi mufwànyine kwitaba nànkù, kàdi kí mmèmè to.”

Mèmè nè: “Èè, mbìmpè.”

⁹² Ke yèyè nè: “Udi umòna mùmbùndà wa kale wà mwìshì wùdì pa kakùnà apu awu anyì?”

Mèmè nè: “Èyowà’s, mukalenge.”

⁹³ Yèyè nè: “Ndi mulediibwe kuntu kwàka.” Ke yèyè nè: “Papa wanyì wàkiiibaka mwaba ewu. Twètù kuumuka kupweka pâmvwà nè bidimu bitwè ku dikùmi nè bìsambòmbò. Paanyimà pàà lufù lwà taatù wanyì, mèmè kwangata kaaba aku. Ndi mukolèshe dîkù dyànyì. Ndi mwab’ewu kùkaadi bidimu makumi mwandamutekète nè bìsambòmbò anyì makumi mwandamutekète nè mwandamukùlù, anyì cintu kampàndà bu nànkù awu’s.” Yèyè nè: “Ntu ànu ntàngila dîbà dyònsò, ditùkù dyònsò, mu maulu mwònsò. Ntu ànu ntàngila mu meetu mwònsò amu. Ntu mutàngile panshì pònsò apu. Kàdi kacya ncitukù mwànji kumòna cintu nànsha cimwè cìdì nè mmwènekelu wa Nzambi to.”

Mèmè nè: “Èè, abi’s mbibì be.”

⁹⁴ Ke yèyè nè: “Ke bwà cinyi ndi ngèèla meeji nè nwènù balùmyànà nudi munkaci mwà kubùlukila mucì mubì.”

⁹⁵ Mèmè nè: “Èyowà’s, mukalenge.” Ke dîbà adi cintu kampàndà kwenzekaci. Mèmè kutàngila kuulu kwà mucì aku. Mèmè kutàngila panshì, nènku kùvwà bimuma byà pommes bisòmbe ku mucì awu. Mèmè nè: “Bidi mwà kukutàcisha bu mèmè mwà kwangata cimwè cyà ku bimuma byà pommes abi anyì?”

⁹⁶ Yèyè nè: “Dìpòlèlè ùdye. Mbùlùbùlù yà kàlaabi nyèyi yìbìdya yìbìmana.” Nudi bamanyè cìdì mbùlùbùlù yà kàlaabi’s, ndi mutwìshìibwe.

⁹⁷ Ki mèmè—mèmè kwìnama, nè kwambula cimwè cyà ku bimuma byà pommes, nè kucikùpula pa cibelù cyà mùpanù wànyì, nudi bamanyè’s. Ke mèmè kucitwa lusùmù lwà mènù. Mèmè nè: “Eci’s ncimuma cyà pomme cìmpè be.”

Yèyè nè: “Èyo, aci’s ncimpè.”

Mêmè nè: “Mucì mwinè wàwa wùdi nè bidimu bìngà?”

⁹⁸ Yèyè nè: “Mêmè ngudi muwùkùne mwaba awu. Twǎnjibi kumòna tǔng, wówò’s wùkaadi nè bidimu makùmi ànaayi nè mwandamutekète, makùmi ànaayi nè mwandamukùlù, cintu bu nǎnku.” Yèyè nè: “Ndi mukùne ànu kaamùtòlokò kakesè.” Yèyè nè: “Mvwa muwùjuule mwaba kampàndà, kule mwaba mukwàbò, nè kuwùtwàla mwab’ewu.”

Mêmè nè: “Èyowà’s, mukalenge.” Ke mêmè nè: “Ûtu ùkwàma cidimu cyònsò anyi?”

⁹⁹ “Cidimu cyònsò wùdi wùkwàma bibuma bìmpè byà pommes.” Yèyè nè: “Tudi kàbìdì tulama pommes yàbùngì ku yòyì ayi mu makopo.”

¹⁰⁰ Ki mêmè nè: “Èè, abi’s mbilenga be. Ndi nè disànkà dyà kuumvwa cyòcì aci.” Ke mêmè nè: “Udi mumanyè’s, apa’s tudi ànu mu dyà matùkù dikùmi nè àtaanu à ngondo wa cimungu wa mashìka.” Mêmè nè: “Kùdi luuyà lwìpacila ku dégrés makùmi àsàtù nè yìbìdì mu dilèjì dìbà dyònsò.” Mêmè nè: “S’mbwalu bwà dikèma’s bwà mùdì mabeji ònsò awu amata ku mucì awu, peètù katwèna banjì kupeta mashìka makolè to.”

¹⁰¹ Ke yèyè nè: “Kaa, aci’s—aci’s, màyì à mu mucì awu’s mmaalùkile ku muji.”

“Kaa,” mêmè nè, “ki cìdìcì?”

Yèyè nè: “Èyowà’s.”

Mêmè nè: “Nǎnku àdì àlukila mu muji, bwà cinyi?”

¹⁰² Yèyè nè: “Èè, bu wówù mwà kushààla mwaba awu, movù wà mashìka’s mmufwànyìne kuwùshebeya.”

Mêmè nè: “Kushebeya cinyi?”

¹⁰³ Yèyè nè: “Mucì. Mùtòlokù wà mwoyi wùdi mu màyì à mu mucì awu, wùdi wupweka wusokoma mu miji.”

Mêmè nè: “Kaa.” Mêmè nè: “Mpindyewu, aci necìikalè. . . Kàdì mbìshi bwà. . .”

Yèyè nè: “Èè,” yèyè nè, “aci kì ncintu cyà pabwàcì to.”

Ke mêmè nè: “To, to. Aci’s cìdì ànu cyenzi cyà mu bufùki.”

¹⁰⁴ Yèyè nè: “Udi mumanyè’s, ndi muswè nkwambilèku bwalu kampàndà.” Yèyè nè: “Kumpàlà kwà wèwè kuya kule, ndi muswè kwamba nùnku. Nè mvwa mùmvè bushùwà bàmba bwà muyiishi musangu kampàndà, ùndì muswè kutèelejakù, yèyè ànu mudìdìngè mulwè cyàkàbìdì mu ditùnga edi, ndi muswè kumutèeleja.”

Mêmè nè: “Kaa? Abi’s mbilenga,” mùngààkambà.

¹⁰⁵ Yèyè nè: “Ûvwa mwab’ewu ku Acton eku kùkaadi bidimu bitwè ku bìbìdì mu kàmpanyè mu—mu bitùùdilu byà ba-Méthodistes mwàmwa, mu bitùùdilu byà ba-Méthodistes.”

106 Ki Banks kutàngila. Mémè kukùdimuka kùdi Banks, mémè. . . Mbwenà kwamba nè, Mwanèètù Wood. Mémè kwamba nè. . .

107 Ke yèyè nè: “Ngápù nè mwoyi cìwà dínà dyà muntu awu mpindyewu.” Yèyè nè: “Udi mumanyè’s, kacya kàvwakù mwànji kwikala mu citùpà cyà buloba eci kwònsò eku to.” Ke yèyè nè: “Inàbànzà mununu,” muntu kampàndà, “mmusòmbèlè lwà kuulu eku mu ntàntà wipacila ku kilòmèètà umwe nè citùpà, kuulu kwà kakùnà.” Yèyè nè: “Ùvwa ùpùnga nè lufù lwà kànsèrè. Ke kuyabò nendè ku Louisville, mu ntàntà wa kilòmèètà lukàmà nè makùmi citèèmà nè yibìdì, nè bangàngàbukà kumupandabò. Nènku cifu cyèndè cyònsò cìwva cijingila, mala nè byònsò, kùdì kànsèrè. Nènku kabàvwakù mwà kumwenzela cintu nànsha cìmwè to.” Ke yèyè nè: “Pashiishe kulwabò nè. . . kumutelabò nè kumwalujabò. Nè mukàjàànyì nè mémè tuvwa tuya kuntwaku ditùkù dyònsò. Nènku kabàvwa mwà kumutùntumuna kàbìdì to; bìvwa bìkèngela ànu bwà twètù kukòka ndàlà awu bwà kushintulula bulàalu bwèndè.” Ke yèyè nè: “Tudi bayè kuntwaku munda mwà mbingu mulongolongo.” Yèyè ùvwa ànu mwindile dilòlò kanà dyònsò bwà kufwàye, anyì dìbà kanà dyònsò. Ke yèyè nè: “Mwanàabò wa bakàji mmusòmbèlè lwà paanyimà pàà kasùlù kakwàbò.” Nudi bamanyè’s, ke mùshindù wunùdì nubiikila, kuntwaku. Kí njila to; nkasùlu. “ Kuntwaku pabwìpì nè kasùlu kakwàbò.”

108 Ngumvù muntu kampàndà ùseka. Mwab’ewu’s mmùle tètè nè beena Kentucky. Ku. . . Èè, mvwa mulediibwe pa cìdìbò bàbìikila nè Little Renox kuntu kwàka aci. Kakwànyì mulùme ùvwa musòmbèlè pa Big Renox, ùdi ùpòngoloka mu Bombshell amu. Kasùlù kàà Bombshell kàdì kàpweka buludi mu Little Renox, nè kàpàtuka kàkabwela too nè mu Casey’s Fork mwàmwa, nè kàtùngunuka kàbwela mu Musùlù wà Cumberland. Mpindyewu, ciinè aci’s ndyàmwàmwa dyà Greenbrier Ridge. Ke kùvwà mààmù wanyì mulediibwe aku, lwà ku Greenbrier Ridge.

109 Ke yèyè nè: “Mukàji ewu ùvwa musòmbèlè mu mwaba mukwàbò.” Ke yèyè nè: “Aci’s cidi ntàntà wa kilòmèètà mitwè ku makùmi àsàtù nè yibìdì nè mwaba ewu. Nènku kulwayè dilòlò adi, nè ùvwa musòmbèlè mu ndekeelu menemene mwà citùdìlu aci.” Ke yèyè nè: “Muyiishi ewu, pàvwàye kuntwaku apu, ùtu ùsambidila babèèdì.” Ke yèyè nè: “Ùvwa wambila bantu nè bàvwa banganyì, nè byònsò pa bwalu abu.”

110 Yèyè nè: “Mukàji ewu wàkalwa pashiishe, nè kàvwa mupètè kàmwè kàà ku twartà tùvwàbò bààbànya atu to.”

111 Ke yèyè nè: “Muyiishi awu kukùdimuka kùvwàye aku, nè kumwambilayè, kwamba nè: ‘Udi mumanyè’s, wèwè, inàbànzà udi musòmbè paanyimà pààpa wàwa, udi *Kampàndà*. Nè dilòlò edi paumùki kumbèlu, uvwa mwelè kàshwàlà kakesè mu kabuta

kèèbè, mwikàle nè cimfwànyì cyà bleu mu ditumba dyàwù.’ Yèyè nè: ‘Kàdi’s udi nè mwanèènú wa bakàjì dìnà dyèndè *Kampàndà*.’ Ke yèyè nè: ‘Údi ùpùnga nè lufù lwà kànsèrè kàà mu cifù. Ndi mfùma ku dicimòna mu cikèèna—kumòna. Mpindyewu, angàtà mùshwàlà awu, ùkamutentèkèlèwu pambidi. Nènku, EMU MMÙDÌ MUKALENGE WÀMBA, yèyè neàsangalè.’”

112 Yèyè nè: “Ke inábànzà awu . . . Dilòlòlò adi, twàkuumvwa mutooyi wà wùkwàcisha bwòwà, kuulu kwà kakùna aku. Mvwa ndyàmbidila nè bàvwa nè Armée du Salut kuntu kwàka,” yèyè nè, “lwà mundankùlù. Ke twètù kudyàmbidila nè inábànzà mununu awu mmufwè.”

113 Ke yèyè nè: “Údi mumanyè mùdì bwalu anyì? Mémè nè mukàjàànyì twètù kubàndakù ditùkù dyàkalondà, bwà kumòna ní tuvwa mwà kubàsàmbakù, pa bwebwebwe mu dindà amu. Ke yèyè awu musòmbe ku mèèsà, nè mbìdikà wa kàfê, munkaci ànu mwà kupòngolola kàfê, nè yèyè nè bàyèndè bàvwa munkaci mwà kudyà mampà meela pomme à mmwenekelu wa cyàbìbìdì cyà cijèngù bwà didyà dyà mu dindà.” Mémè nè . . .

114 Mbanganyì bàdì bamanyè cìdì mampà meela pomme à mmwenekelu wa cyàbìbìdì cyà cijèngù? Nudi bamanyè, ndi kwètù mu kazaadi mpindyewu. Aci cìvwa ànu . . . Ntu muàngè, nè ntu munange musàbù wà màmvwà à bukumba. Ndi mukèbe musàbù wà mamvwa à bukumba awu munwemu mwònsò emu. Kàdi mémè mwalùkile cyàkàbìdì kaaba aka, nèngiikalè ànu mwà kutwàla mbekeci, bwalu mbikolè ànu bwà mémè kutùngùnuka ncìyi naawù to. Kàdi nudi bamanyè’s, ntu—ntu nkwàta naawù mudimu bikolè, bwalu mémè ntu bu Baptiste, nudi bamanyè’s. Ncyé—ncyé—ncyèna ngiitabuujà dimyamina dyà musàbù pa tùtùtò atu to. Ntu ànu ntùbàtiiza twònsò, bìmpè menemene. Nènku ndi . . . Nànku ndi mpòngolwelapù musàbù, wàbùngì.

Ki dìbà adi kwambayè nè: “Ùvwa munkaci mwà kudyà aci.” Mémè nè . . .

Mémè kudyàmbidila nè: “Ke cyòci eci’s.”

Mémè nè: “Mpindyewu, kwèna wambilamù to.”

115 “Èè,” mwàkambàye, “bànda ànu kuntwaku bwà ùdimwènè.” Yèyè nè: “Aci kùkaadi bidimu bibìdì.” Ke yèyè nè: “Yèyè kèna wènza ànu mudimu wèndè sungasunga to; ùdi wènza mudimu wà mwena mutumba.” Mpindyewu, nwamònu’s, yèyè ùvwa munkaci mwà kunyiisha dìbà adi.

116 Nudi bamanyè’s, mààmù wanyì ùvwa nè ciibidilu cyà kwamba nè: “Pèèsha ngomba mwonji mule mukùmbàne, neàkadyòwè ànu nkààyèndè.” Pa nànku aci’s cìdì ànu bu cyà bushùwà. Ùvwa nè mudyèlè dikàsà mukana, cikondo aci, pàakambàye—pàakambàye nè: “Bànda kuntwaku ùtàngilè.”

117 Mémè nè: “Mpindyewu, tângilà’s, mukalenge. Udi uswa kwamba nè bangàngàbukà bàakapanda mukàjì awu nè kumupeta nè kànsèrè anyì?”

“Ncyà bushùwà.”

118 Ke mémè nè: “Bòbò è kumutela anyì? Nènku díbà adi udi uswa kungambila nè muntu awu kuntwaku, mu ntàntà wa kilòmèètà makùmi àbidi nè yìnaayi, wàkamòna mukàjì awu nè kumwambila ànu menemene civwà mwà kwenzeka pàvwàbò mwà kumutentekela mùshwàlà awu? Ke mukàjì awu kwondopiibwa ku kànsèrè aku anyì?”

Yèyè nè: “Bànda ànu kuntwaku. Nènkwabìlè mùshindù wà kufika kuntwaku.”

119 Mémè nè: “To, to. Ndi ngiitaba díyì dyèbè.” Mémè kwamba nè: “Ndi ngiitaba díyì dyèbè.” Mémè nè: “Eyowà’s, mukalenge. Èyowà’s.”

120 Mvwa munkaci mwà kudyà cimuma cyà pomme eci, nudi bamanyè’s, díbà dyònsò, ncicyànkunya. Mémè nè: “Ncimuma cyà pomme cìmpè’s.” Mémè nè: “Ndi muswè nkwelèku lukonko. Ncinyì cìdì cyenze nè mâyi à mu mucì awu àshiyè mucì àpwekè àkabwelè mu miji?”

121 “Mòna’s,” mwàkambàye, “àvwa nè cyà kuya, bwà kulaminyina mwoyi wàwù bwà muvù wà mashika.”

122 Mémè nè: “Pashìishe mu muvù wà bintu bitòloka wùdì wùlondà àdi àpingana, àkutwàdila cikwàbò cisumbù cyà bimuma byà pommes?”

“Bushùwà.”

123 Ke mémè nè: “Mpindyewu ndi muswè nkukonkèku cintu kampàndà. Ndungènyì kaayi lùdì lùpatula mâyi à mu mucì awu, lwàmba nè: ‘Mòna, mmuvù wà mabèji àpòòpoka. Pwekà mu miji úkasokòmè. Wèwè kùyì musokòme to, muvù wà mashika wùdì wùkushipa. Pwekà alùkilà mu miji úshaalèmu too nè mu muvù wà bintu bitòloka. Nènku pashìishe pàdì luuyà lùbànda nè bintu bilengela, mpindyewu àlùkila ùbandè nè úkwamè bimuma bikwàbò byà pommes bwà muntu ewu? Mpindyewu, udi mumanyè nè aci’s mmwoyi wà bukwàmici. Kawèna nè lungènyì lwàwù sungasunga to. Díbà adi, ngambilaaku lungènyì lùdì lùtuma mwoyi awu mu muji wà mucì awu. Kawèna nè lungènyì lwàwù sungasunga to.”

Yèyè nè: “Aci’s cìdì ànu bufùki.”

124 Mémè nè: “Nànkù awu angàtá mbekeci wa mâyi, kàdì ùatèèkè pa dikunji didì pambèlu pààpa, bwà kumòna bufùki ní bwààpwekesha mu muvù wà mabèji àpòòpoka wa cidimu, nè kuàbàndisha mu muvù wà bintu bitòloka. Nwamònu anyì? To, mukalenge. Ncinyì aci?”

125 Mpindyewu, ku luseke bwà katanci kakesè. Nnjila mulongolola wa Nzambi. Bùdi bùkwàta mudimu ànu mùshindù wùdi Nzambi wùbùlongolwela awu. Dìyì dikesè didi dyàmba nè: “Pwekà too nè mu miji,” nènku ke òwò àyaayà awu. Mpindyewu, adi ènza nàнку kakùyì meeji nànsha makesè to. Cìvwà cikèngelà bwà twètù kwenza ncinyì, pàdi Nzambi umweumwe wakula neetù? Twètù, kàdi tudi nè bukenji bwà kubènga anyì kwitaba, nè, nangànangà, tutu tubènga. Mucì wówò kawèna mwà kubènga to. Mmumanyè wówò ànu ciibidilu cimwèpelè, ncyà nè, kutùmikila Mfùmwàwù.

“Èè,” mwàkambàye, “kacya ncìvwakù mwànji kwela meeji ku bwalu abu kwònsò eku to.”

126 Mémè nè: “Ndi nkwambila cìdi bwalu. Eelà meeji pa bwalu abu, ntàntà mule, patùdi tukalemba nyama apa. Kàdi pàndi ngàalukila, ùngambile cìdici . . . cìdi cyàmbila màyi à mu mucì bwà kupwekawù mu miji, nè kushààla mu muvù wà mashika, nè kwalukila cyàkàbidì mu muvù wà bintu bitòloka wùdi wùlondà. Paùdi ujanndula nè ndungènyi kaayi lùdi lùkòntonona mwoyi wà mucì awu—awu, lwàmba nè: ‘Pwekà mu muji, nè alùkilà,’ Nènkwambilè nè n’Dungènyi lùmwèlùmwe alu lùvwà lungambile: ‘bwà kuya katèèka mùshwàlà awu pa mukàji awu, nè yèyè ùvwà mwà kusàngajiiibwa.’”

Yèyè nè: “Lukwambile?”

127 Mémè nè: “Èyowà’s, mukalenge.” Mémè nè: “Dyà muntu awu ùvwà nganyi? Udi muvùlùke anyi?”

Yèyè nè: “Ncyèna mwà kudivùluka to.”

Mémè nè: “Kadivwa Branham anyi?”

Yèyè nè: “Ke dyòdi adi.”

Mémè nè: “Mémè ndi Mwanèètù Branham.”

128 Pa mwaba awu wàkajuuka kuulu, kumpyayè ku byanza. Yèyè nè: “Bwà musangu wùmwèpelè kacya bàndela, ndi mmòna cyùdi muswè kwamba aci.” Mémè kumulombola kùdi Kilstò.

129 Cidimu cishààle eci mvwa kuntwaku. Yèyè ùkaadi mufwè, muye. Luse lwà Nzambi’s wè! Ke mukàjèndè awu musòmbe mwaba awu, mwínshì mwà mucì, munkaci mwà kuuvula bimuma byà pomes, byà ku mucì wùmwèwùmwè awu. Mémè kusemena è kwamba nè: “Ndikù mwà kuya kalemba nyama anyi?”

Yèyè nè: “Twètù katwèna twanyishila muntu bwà kulemba nànsha kakesè.”

130 Mémè nè: “Mfwileku luse.” Mémè—mémè—mémè nè: “Mvwa mwelè meeji nè mvwa nè dyanyisha.”

Yèyè nè: “Nganyi uvwa mukupèèshè dyanyisha adi?”

Mémè nè: “Bàyeebè.”

Ke yèyè nè: “Bàyaanyi mmufwè.”

Mémè nè: “Mmufùme ku difwà ànu àbìdì àdì pànshì aa, kí mmwómò anyì?”

Yèyè nè: “Èyowà. Kacya yèyè kàtukù mupèèshe bantu dyanyisha to.”

¹³¹ Mémè nè: “Lwà mwínshì mwà mucì wà pommes ewu. . . Cidimu cishààle eci, mvwa nsanganyiibwa lwà mwínshì emu, nè tuvwa twakula bwà mucì ewu.”

Yèyè nè: “Ngwèwè Mwanèètù Branham anyì?”

Mémè nè: “Èyowà.”

¹³² È kumacishayè lwesu lwà pommes. Yèyè nè: “Mwanèètù Branham, yèyè wàkafwà mu bucìmunyi bwà Yesù Kilistò, bujaadiki bwèndè bwà ndekeelu.”

¹³³ Ncinyì aci? Pa kumòna ànu nè, kí nkuteeta bwà kukenketa byònsò byà makùmi abi mùdìbi byènzeka to, kàdì ànu kantu kakesè kapwekèle, munkaci mwà kutàngila Nzambi ùlongolola njila kampàndà, nè cintu kampàndà cilama mu njila. Nwamonu’s, Lungènyi lùmwlùmwlè lùvwà lufwànyine kwambila màyi à mucì awu nè: “Pwekà ùsokomè bwà mwoyi wèbè,” Lungènyi lùmwlùmwlè alù lùvwà ng’Elu Lwàkaleejà cikèenà-kumòna cyà mukàji awu. È kucyùmvwayè. Nè kàvwa mwà kucìvila to, eci anyì cìkwàbò. Ke mucì awu mwimàne pààpa, nè ke mukàji awu mwab’awu. Amen. Nwamònu anyì? Njila mulongolola wa Nzambi’s!

¹³⁴ Kàbìdì kabàtu bânji kupeta mùshindù mutàmbe bwìmpè bwà kànà kàà nzòlu kupàtukakù mu diyì to, pa kuumusha dituuta dyà mwínù mu cizubu bwà kupàtukakù. Kabèèna nè mùshindù mutàmbe bwìmpè to. Maalu à mamanya kacya kaàtukù makùmjàne bwà kupàtula cintu cìkwàbò nànsha cimwè to. Wèwè mutaayishe cizubu cyà diyì, bwà kukàpàtula, mbifwànyine kukàshebeya. Nekàfwe. Bikèngela kulondakù njila mulongolola wa Nzambi, bwà kwikalakù nè mwoyi. Amen. Aci cìdì cìkwàta mudimu pa bantu, kàbìdì.

¹³⁵ Mmupàyisha. Nukààdikù bamòne kànà kàà nzòòlo kakesè pàdiku kàpàtuka mu cizubu anyì? Kàdì nè kantu kakwàbò kakesè, pa kaamwínù kààkò apu, kantu kakesè kàà kukoona naakù katòòke. Nènku kalùmjànà kakesè aku muntwamu, ànu pàdì mwoyi wubanga kulwa, kàdì kàbanga kushikula mutù wàkò mukèsè awu. Ciinè aci cìdì cyènza cinyì? Kakoonyi kakesè aku kàdì kàkoona cizubu aci, kàcipeluja. Pàdiye ùpetakù ndambù mukwàbò wa mwoyi, ùdì ùbanga kutuuta nè kaacintu kakesè aku. Nè paanyimà pàà yèyè mumanè kupàtuka mu cizubu, kàcyèna kàbìdì naakù dijinga to, pa nànkù kàdì kàmata ànu cyanààna.

¹³⁶ Nè cintu cìdìci cyènza, ndikùbiibwa dyà ndekeelu wa mwínù wèndè awu. Bu kabìyi nànkù to, nùnkù’s mwà kwikala nè mwínù mukònyàngàle, nè kàvwa mwà kuzòkola lutete lwèndè

nànsha. Kaa, ekèlekèle! Njila mulongolola wa Nzambì wa dipàndukila's wè! Nzambì ùdi ùmulongolola, ànu mùshindù wà kupàtuka muntwamu. Kakwèna mùshindù mutàmbe bwímpè to. Cintu cikwàbò kanà cyònsò eci ncifwànyine kumushebeya. Ùdi nè cyà kulwa mu njila mulongolola wa Nzambì. Mpindyewu, wèwè muteetè bwà kukwàtakaja mùshindù kampàndà anyi kudifwànyikijila mùshindù kampàndà, neùmushipè.

¹³⁷ Ke lutàtù lùdi naalù èkèleeziyà wa beena Kilistò leelù ewu ndwòlò alu. Mmuteetè bwà kwitaba njila kampàndà mutelakaja, pamutù pàà kudipandila wendè njila, bwà kuya mu Bukalenge bwà Nzambì. Mbateetè mu mùshindù mukwàbò kampàndà, kàdi kabyàkukùmbanaku to. Udi ushebeya mubèèdi webè. Neùshipè webè—webè—mwànà wa mu dibòkò awu, mwànà wa Nzambì awu, mu kuteeta kukwàtakaja njila kampàndà. “Kaa, kabyèna bikèngela mwab'ewu mitooyi nè myadi byònsò abi to. Kabyèna bikèngela *bikampàndà* byònsò, *bikansanga* byònsò to.” Kaa, èyowà's, bìdi bikèngela nàнку. “Kabyèna bikèngela difwà edi to.”

¹³⁸ Pàdiku kakùyi lufù to, kakwèna mwà kwikala dilediibwa to. Dilediibwa dìdi dìlwila ànu ku cintu cyà lufù. “Lutete lwà blé lwòlò kalùyi lumatè mu buloba nè lufwè to, lùdi lùshàala nkààyalù.” Lùdi nè cyà kubola, nè kudìtwa mu dibola, nè pashiishe ku dibola adi ke kùdi mwoyi ùpàtukila. Kakwèna mùshindù mukwàbò wàkùmbana to. Lùdi nè cyà kubola dyàmbedi, nè kwikala lubolè. Nènku mùshindù awu ke wutùdi nè cyà kwikala; kufwà mu twètù nè kulediibwa cyàkàbìdi ku Nyumà Mwímpè.

¹³⁹ To, kî mbanjì kupeta mùshindù mutàmbe bwímpè bwà nzòòlo kupàtukayè mu diyì, kutàmbe kutuuta kwà mwìnù mu cizubu to. Ke njila mulongolola wa Nzambì bwèndè nyèyè awu, nè yèyè mmupàyiibwe bwà kucyènza. Nzambì kàvwa mwà kulongolola njila kàyi ùlongolola cyamù cyà mudimu bwèndè to. Pa nàнку Yèyè wàkalongolola njila, nè kulongolola cyamù cyà mudimu bwà nzòòlo kudipàtulayè. Amen.

¹⁴⁰ Mpindyewu, anyi kabàtukù banjì kupeta mmwènenu mutàmbe bwímpè bwà mabata nè byokòsò kulwabi ku sud, bìfùmina ku nord to, kutàmbe kudyùngwija nè pashiishe kubùuka kuya kwìnshì. Kakwèna mùshindù mukwàbò to. Nudi numòna's, kumpàlà kwà kubùukayi kuya ku sud, anyi kubùuka kuumuka ku sud kwalukila ku nord, yidi yidikùngwija, dyàmbedi. Kumpàlà kwà kuumukayi mu buloba bwàyì anyi kumààyi, bwà kuya mu mwaba mupyamùpyà, yidi yikùngwila. Mbùlùbùlù yitu yènza cintu cimwècimwè aci. Yitù yikùngwila. Ke bufùki mbòbù abu. Ncinyi aci? Yidi nè ditàbuluja. Yidi yònsò yikùngwila nè yitwilangana pàmwè. Kacyà bàànùlela kanùtukù bânjì kuumvwa mutooyi wà mùshindù awu to.

¹⁴¹ Nènku kumpàlà kwà twètù kuumuka mu cisòmbelu eci, kuya

ku cipyacıpyà aci, bidi bikèngela bwà twètù kukùngwila mu ditàbuluja kampàndà.

¹⁴² Kaa, wêwè seemènàbi pabwípì nè musumbà wà mabata nè byokòsò, kacya kùtukù mwànji kuumvwa mutooyi búngì nàнку kacya bàakulela to. Cìdìbo munkaci mwà kwenza ncinyi? Ditàbuluja. Bàdi munkaci mwà kudìlongolola bwà kubùuka kuya mu mpeepèlè. Amen.

¹⁴³ Ke cìdi citùkèngelà leelù ewu, nditàbuluja dyà dikungwija. Kakwèna mùngà mùshindù to; kî mbuumambàlà to. Nzambi kàtu ùbala ciibúngì to. Yéyè ùdi ùbala meeji matòòke mu njila Wendè mulongolola.

¹⁴⁴ Mpindyewu, kacya kabàtukù banji kupeta cintu cikwàbò nànsha cìmwè cyà kupingaja pa kaaba kààci to. Kakùvwa mwà kwikala njila mutàmbe bwímpè to. Mpindyewu cileejilu, ambàbi tǔng bu maalu à mamanya mwà kwamba nè: “Tuumabata tukesè tukwàte nè byà luse etu. Katwèna baswè bwà kukùngwilatù kàbìdi to. Nènku netùtùbwikìdijè bukòndò pambidi, kumpàlà kwà kudìlongololatù bwà kukùngwila. Nènku twètù netùtùkungwìjilè ànu mu musàsà wà nzòòlo, nè netùpweke naatù ku sud.”

¹⁴⁵ Aci ncyenzè ànu bu, kuyìbweja mu bulongolodi kampàndà anyi cintu kampàndà, nudi bamanyè's, kumukàngila mu musàsà wà nzòòlo mu mwaba kampàndà kuntu kwaka. Aci's mmu njila mutàngile ku cishipeelu. Mmumanyè nè ùdi munkaci mwà kuya ku nzùbu wa cishipeelu pàdiye ùbwela mu musàsà wà nzòòlo apu. Kàdi pàdiye ùya mu njila mulongolola wa Nzambi, ùdi kule nè cyòci aci. Pa nàнку, pàmwápa kabìvwa bikèngela mèmè kwikala mwambe nàнку to. Ncìvwa muswè kucyàmba mu—mu mùshindù wà kwikala munyangidi wa bulongolodi kampàndà luumù to. Kàdi nudi bamanyè cìndi njinga kwamba aci. Pàmwápa ke cyònsò . . .

¹⁴⁶ Awu kî mmùshindù wà kucyènza nànsha. Kwèna mwà kubwela mu bulongolodi kampàndà, nè kudikàngilamù kàdi kwamba nè: “Mèmè ndi Méthodiste, anyi Baptiste,” anyi ní ncinyi cikwàbò to. Kî ng'aci to. To, to.

¹⁴⁷ Nudi nè cyà kukùngwila. Ncyà bushùwà. Nudi nè cyà kufika pa kaaba kanùdi mwà kutuuta mínù bwà kupàtuka mu cizubu.

¹⁴⁸ Aba, bàdi bàdisanga, nè bàbwela mu musàsà wà nzòòlo ewu. Nènku—nènku pàdìbo . . . Bòbò benzè nàнку, mbamanyè nè bàdi mu njila batàngile ku nzùbu wa cishipeelu.

¹⁴⁹ Kàdi, mpindyewu, ambàbi tǔng bu wêwè mwà kuyitèeka yònsò, kuyikùngwija kàdi kuyèla mu nsànji, nè kuyàmbula kupweka ku sud, kuyilekelela. Pashiishe, kumpàlà kwà yòyi kudìlongolola bwà kukùngwila, dìbà adi kuyèla bukòndò pambidi. “Katwèna twitabuuja mu matùkù à bishimà to.” Nwamònu anyi? “Nwènù tuumabata tukesè, kanwèna mwà kubùuka kàbìdi to. Aci's civwa bwà mabata à cikondo cikwàbò.”

Pàdìbi ànu nè Nzambì mmwenze dibata, Ùdi ùèmza ônsò à mwomùmwè. Nènku Nzambì yèyè musebe njila wa dibata kuyiila, ke njila udi mabata ônsò àlonda awu.

¹⁵⁰ Kàdi nudi bamanyè cìdici cifwànyine kwenza anyi? Ndekeelu wa byònsò ncifwànyine kushipa dibata adi. Mmufwànyine kwikala mutekètàngane, mapwâpwâ èndè kaàcìyi mwà kukola bîmpè to. Kàcìvwa kàbìdi mwà kubùuka to. Ànu bu mwanààbò wa tatwëndè mukwàbò wa mu lupangu lwà nzòòlo amu, ànu difù kàdi kakùyì dibata to. Nwamònu anyi? Yèyè kènà nè mapwâpwâ à kubùuka naawù to. Ncyà bushùwà. Nwamònu anyi? Ùdi mwà kushààla mutekètàngane bu mwanààbò wa tatwëndè mukwàbò wa mu lupangu lwà nzòòlo amu, bânà bààbò bàà mu òngumba bàdi kabàyi nè kùyaayàbo to. Nwamònu anyi? Ncyà bushùwà. Nwamònu anyi? Ncyà bushùwà. Ke cyònsò cìvwaye mufwànyine kwikala, nzòòlo wa kale mutekètàngane. Kàvwakù mufwànyine kumanya kantu nànsha kàmwè pa bidì bitàngilà kubùuka kwà mudìshikamìne to. Amen.

¹⁵¹ Ke lutàtù lùdiku leelù ewu alu's. Tudi tuteeta bwà kubàkàngila mu musàsà, nè kubàmbila nè: "Matùkù à bishimà àkaadi mamanè kupita. Kàdi kàvwa mwà kudyèyemena yèyè mwinè to, makàsà èndè ôwò muumùke panshi. Mbifwànyine kumushipa. Kì mmufwànyine kushààla nè mwoyi ntàntà mule menemene to."

¹⁵² Kàdi, nudi bamanyè's, kaadibata kakesè aku nkafwànyine kwamba nè, bu kòkò mwà kwandamuna nè: "To, twasàkidila."

¹⁵³ "Kaa, s'mbipeepèle. Kwèna nè cintu cyà dyenza to. Udi mwà kwenza maalu ànu mùdi muswè amu."

¹⁵⁴ Yèyè's mmufwànyine kwamba nè: "Twasàkidila. Ndi ngènta maalu ànu mùshindù wùndì muswè kwenza awu, bwalu kùdi cintu kampàndà munda mwànyì emu, munkaci mwà kukwàta mudimu. Amen. Nè ndi nè cyà kwenza maalu mùshindù wùndì muswè bwà kwenza awu." Nènku muntu yònsò udi mulediibwe kùdi Nyumà wa Nzambì ewu, kùdi cintu kampàndà cìkwàta mudimu munda mwèndè amu. Bikèngela àbuukè àye mu myaba yà mu dyulu, disaluka kampàndà, cintu kampàndà cìdi cìcìvwija cìlèlèlà.

¹⁵⁵ Kalùmýànà kakesè aku nkafwànyine ndekeelu wa byònsò kushààla bu mùdi nzòòlo, nyuunyi mumuna kumbèlu. Kàcìvwa kàbìdi ànu mwà kujuula makàsà èndè pa buloba to. Pa nànkù bu nzòòlo mwà kutùngunuka misangu yònsò nè kubùuka mu mpeepèlè, mòna's, yèyè's ùvwa mwà kuya ànu bîmpè. Yèyè ùvwa mwà kuya ku esètè, ku wesètè, ku nord, nè ku sud, nè kumòna bintu.

¹⁵⁶ Nènku cìkwàbò cintu, nudi numòna's, yèyè kàvwa ànu mufwànyine kucyènza to. Bwalu, mu njila kuumukila mu Canada mwàmwa, ùdi wàngata bintu byà mishindù mishìilèshìilàngane, byàkudyà bìvwàye kàyì mwà kupeta bu

wèwè mumulamìne mu nsànji to, mwikàlè umudiisha ànu matalà misangu yònsò. Nudikù mwà kubadila pankaci pàà milongo anyi? Nudi bamutèèke muntwamu, nànkù yèyè mmùmanyè ànu Twitabàayi wa Bààpostòlò, mùdibo bàmbiikila amu, nè mùshindù wà kuya mu Kàlaasà kàà Dyàlumingu, nènku's ke cyònsò cidiku aci; kufuta muyiishi, kàdi kwikala nè nsòmbelu wa mùshindù wùdiye muswè awu.

¹⁵⁷ Kàdi, kaa, paùdi mu dibùuka's, amen, paùdi mu dibùuka apu, udi wangula kutàmba twitabàayi webè wa cyenamàngumba awu. Udi wangata vitamines, vitàminè wa nyumà udi wibaka mubidi mushindàme, mupàtàkàne nè misunya, masàlà à mapwàpwà àdi mwà kukutuntumuna muulu nè kukuleeja bintu bicilwalwà. Nyumà Mwîmpè: "Yèyè, Nyumà Mwîmpè pààlwàYe, Yèyè neànùleejè maalu aa, kunùsokolwela bintu bîmvwà Mèmè munwambile; nè neànùleejè bintu bicilwalwà." Eyowà. To, kwèna mwà kumwela mu nsànji nè kumwangata to. Kabyèna mwà kukùmbana to. To. Nwènù bamwele mu nsànji, ùyaaya ku cishipeelù.

¹⁵⁸ Nànsha muntu kènakù mwà kusungula njila mutàmbe bwîmpè kutàmba udiyè mwà kusungula nànsha. Udi mufwànyine kuya kamba nè: "Mpindyewu, Mukalenge Dibata, nènkwambilè cintu kampàndà. Uyàaya mu njila mubi. Udi nè cyà kuyiila lwà *eku*, shintùlùlà njila webè. pwekèlà luseke lwà ku màyi *elu*, ke lwîmpè. Ndwîmpè lutàmbe njila ùdi ulonda ewu." Kabyàkukùmbanakù to. To. To. Bàdi bèèla meeji nè mbamanyè njila mutàmbe bwîmpè kupita njila mulongolola wa Nzambì bwàbò bôbò. Kàdi, mbamanyè.

¹⁵⁹ Anyi, udikù mufwànyine kubàsungwila mulombodi mwîmpè mutàmbe mulombodi mulongolola wa Nzambì wudi Nzambì mubàpèeshe anyi? Muntu kààdyàkwikalakù mukùmbàne bwà kusungula mwèpiskòòpò anyi bulongolodi kampàndà, anyi cintu cikwàbò kanà cyònsò cyàngata kaaba kàà bulombodi bwà Nyumà Mwîmpè kùdi Èkèleeziyà to. Kakwèna cikwàbò cintu cidi mwà kucyènza to. Njila mulongolola wa Nzambì's! Nzambì wàkabàlongolwela njila kampàndà, Mulombodi, Mulombodi musonsola.

¹⁶⁰ Nè mulombodi awu mmusonsola. Mòna's, nkàadi muàtàngile misangu yàbùngì, pàmvwà ngèza lwendu lwà bulembi lwà nè dindà bwebwebwe, paùyaaya bwà kuzomba mìkòòkò anyi cintu kampàndà pàdibi bikèngela bwà wèwè kuya nè dindà bwebwebwe, mu mikùnà amu. Kabàvwa nànsha banji kupeta mashika makolè to. Pàmwàpa, kuulu aku, kaanèjè kakesè nekàbwikile lusongo lwà mukùnà. Cipeepèlè cyà mashika aci necituutè eku nè eku kwà mukùnà aku. Kùdi mulombodi kampàndà wa mu bufùki udi mulediibwe munkaci mwàwù. Neàpàtukè buludi mu dijiba adi mùshindù awu, nè kutuutayè mukwekwà misangu yinaayi anyi yitaanu, ke mwaba awu dikùngwila kutwàdijadi. Eyowà's, mukalenge. Ònsò

mmamumanyè. Mmamumanyè ku mùshindù wùdiye ùtuuta mukwèkwà. Kaa, ekèlekèle!

¹⁶¹ S'nudi bamanyè címvwà ngàakula makèèlèlè dilòòlò awu aci, mpungi wa Èvànjeeliyò, yèyè ùpàtula mwadi mulubidile. Mwadi wèndè kawèna ùfila ci-...Yèyè kèna ùfila lubilà lulubidile to. Ôwò's mmabata malelèlè. Mmamanyè mwadi wà dibata. Ambàbi tǔng bu wèwè mwà kutèèka dikàngalà dikùlákàje kuntwaku, anyi dèndò? Mwadi wèndè kawùvwà mufwànyine kwikala mukùmbàne to. Ôwò mmamanyè mwadi wà mulombodi.

¹⁶² Nènku bìvwa bikèngela bwà èkèleziyà kucimanyayè. “Biikàle nè cimwènekèlu cyà difwàna dyà Nzambi, bàvila bukolè bwàdi,” ku bàà nàнку awu abu, kùbàlekèdi bàlombola to. “Beena mitù mikolè, badibàndishi, banangi bàà bisànkasanka kutàmba kwikala banangi bàà Nzambi, bashipi bàà bipungidi, basongwedyanganyi, kabàyì didikànda,” nè badyombodi bàà mabata àdi àbùuka awu. Nwamònu anyi? Nudi bumvwè cìndi muswè kwamba aci anyi?

¹⁶³ Bòbò—bòbò mbamanyè mwadi wà wabò Èvànjeeliyò. “Mikòòkò Yànyi mmimanyè Díyi Dyànyi.” [Katùpà kàà mukàbà wà mèyi munda mutupù—Muf.] “Kayààkulonda mwenyi to.” Nzambi ùtu misangu yònsò ànu ùcijaadika mu mùshindù mujaalàme.

¹⁶⁴ Mònaayi, mpindyewu's. Nè kabèèna mwà kupeta. . .Kwèna mwà kubàsungwila to. Ambàbi tǔng bu wèwè mwà kuya kuntwaku, kàdi kwamba nè: “Kaa, anjì indilaayi kakesè, nwènu mabata makesè. Ncyà bushùwà nè nudi mu ntùpàkànyi. Dibata dyà ntààlà dilenga ndyòdi edi. Ekèlekèle, yèyè's ùdi ùmwèka bu mfùmù munkaci mwènù. Kàdi mpindyewu nudi bamanyè cingènzà anyi? Ndi ngèèla màyi makesè pa mutù pèndè apu, nè nèmmubanjijè. Nèmmuvwijè Mfùmù Dibata. Nè nèntekè cifulu pa mutù pèndè apu, nè mmuvwàdikè bishiilànganè ndambù, bwà nwènù bònsò nwàmumanya. Londàayi ànu mulùmyàna ewu misangu yònsò, bwalu mmulongèshiiibwe.” Mulekèlèbi mu cijibajiba amu. Ùdi mwà kutuuta mukwekà nè mèndè mwònsò mùdiyè muswè. Dibata dyònsò nedimukomè nyimà, bwalu ùdi ùpàtula mwadi mulubidile. Èyowà.

¹⁶⁵ Kàdi lekèlè kaadibata kakesè kàvwà kasungùdiibwe kùdi Nzambi bwà kwikalakù kalombodi aku, kàlekèle kàtuute mukweka, kàdi ùmonè mùdi ònsò àkùngwila bwà ditàbuluja. “Mwaba udi mubidi, ke wàdisangishilà mikankù.” Yèyè mmumanyè byònsò pa bwalu abu. Nwamònu anyi? Pa nàнку Yèyè—Yèyè ùdi nè njila mulongolola. Nè mabata mmamanyè njila mulongolola. Mbibi be mùdi muntu kàyì yèyè mumanyè to. Èyo. Kàdi mùshindù awu ke wùdibi byènzeka, mpindyewu. Èyo.

¹⁶⁶ Yèyè mwikàle dibata dilombodi disonsòdiibwe, neàbàfikishè ku mwaba mulongolola wà Nzambi bwàbò bòbò. Nènku bu

twètù ànu mwà kutèeleja cidi Mulombodi wàmba, Nyumà Mwimpè awu, Yèyè neátwalùjè cyàkàbìdi ku Diyì. Ke njila mulongolola wa Nzambi nyèyè awu. Mu njila amu katwèna tukèngela twitabàayi nè dīgumba, nè bisoosà bibi byà cisuku abi to. Kùdi bisoonsà kampàndà nè bintu bitùdi nè cyà kudyà, bìdi mabata àdya, pàdiwu ènda àpweka apu. Kùdi cyàkudyà cidi. . . Mu bulelèlè, bi—bilòngò byà Nzambi, bìdi bifùkiibwà bìdi mu njila bitàngila mu dyulu byènda bidya mu njila amu, nè mbwena kwamba nè: “Muntu kààkwikala nè mwoyi ànu ku dyàmpà nkààyaadi to, kàdi ku Dìyì dyònsò didi dipàtukà mukana mwà Nzambi.” Nwamònu anyi?

¹⁶⁷ Dibata adi, dibata dilombodi, nedibàlombòlè ku mwaba mulongolola wà Nzambi, ànu buludi too nè ku Louisiane. Kòkò aku, dìmwè dyà ku makwàbò aa kí ndifwànyine kumanya kùvwàdi diya to, dijuuka muulu amu dyènda dinyungulukangana dyèla bijèngù.

¹⁶⁸ Mvwa mbala mu cikàndàkàndà cyà *Life*, kùkaadi bidimu bitwè ku bisàtù anyi binaayi, kùvwà cyokòsò cyà ntààla cyà kale cibùùke nè musumbà mujimà kuntu kwàka. Nè civwa cyàmba nè civwa cilombodi. Kàdi katançi aka anyi, kudisanganabi mu Angleterre, kacya kabitukù byànji kwalukila to. Ncyà bushùwà. Pa nànkù bìdi nè cyà kutàbaleela mùshindù wà dibata anyi cyokòsò didibo munkaci mwà kulonda. Ke mùdibo bàmba, lwà mu Angleterre mwàmwa nè. . . Byòbi abi mmabata àà cyena Canada, òwò pààwù. Nè àdi àfika ku Angleterre kwàka, nseke yònsò, àkùngwila, kàdi kí mmamanyè njila wa kwalukidila to. Kaa, ekèlekèlè!

¹⁶⁹ Mbibi be mùshindù wùdi èkèleeziyà mwènzè maalu bikolè mùshindù ùmwèùmwè awu, yèyè pèndè, mmulombòdibwe mu kaaba kampàndà, kàdibo kàbàyi bamanyè mwà kwalukila kàbìdi to. Bàmba nè: “Èè, tudi. . . Ndi ngùm vwa nè kaakù mukàji wàkamba nè, misangu mikwàbò kaakù mukàji wàkamba nè kakwèndè mukàji ùvwa wàmba, nè bàvwa nè ciibidilu cyà kwikala nè masangisha à dyondopa mu èkèleeziyà. Nè matukù à bishimà awu àkaadi mamanè kupita,” nudi balekèle muntu kampàndà ùnùlombola mu njila mubi. Mbimpè kulonda njila wa Nzambi musonsòdibwe, njila umwèpelè.

¹⁷⁰ Mònaayi nè, kaadibata kakesè aka, muntu nànsha umwe kàtu mupetè mùshindù mukumbàne wà kuàlombola bishiilàngàne to. Mbamanyè nè mulombodi mukèsè awu neàbàlombole ànu menemene ku mwaba mulongolola wà Nzambi. Nè yèyè ùdi ùcyènta bishi? Ku byamù byèndè bilongolola kùdi Nzambi abi. Yèyè ùdi nè nshinga yèndè myolola, díbà dyònsò, bu mutùdi nè cyà kwikala naayi, tubàkula Nyumà, nshinga yètù yà nyumà.

¹⁷¹ Mpindyewu, tudi tujandula nè yèyè neàbuukè mu mpeepèlè, muulu menemene mu mpeepèlè. Yèyè ùdi nè nshinga yèndè

myela muulu. Yèyè mmumanyè mùshindù wà cyàkudyà cidi mabata makesè aa nè cyà kudyà, bwà kubùùkawù. Nàнку dìbà didiyè wàngula cintu kampàndà panshì, neùmumòne ùbùùka, nè ùpweka panshì. Musùmbà mujimà awu newùpwekè panshì, kàdi ànu kudyà kwandalala. Nè yèyè neàshiyè lubilà lukolè, è kubùùkayì mu mpeepèlè cyàkàbidi, yìya buludi mitàngile ku sud. Ncyà bushùwà. Mulombodi wa Nzambi, mulombodi wa Nzambi bwà mabata. Ncyà bushùwà.

¹⁷² Ndi muswè kwamba cintu kampàndà cikwàbò. Nudi bamanyè's, kacya kabàtukù bânji kukùmbana mwà kupeta ku maalu à mamanya, kupeta mùshindù mutàmbe bwìmpè bwà mwànà wa mu dibòkò kupetayè cidiye muswè pa kuumusha kucìdidila mwadi to. Nudi bamanyè's, kabèèna mwà kumulongesha bwà kukungula to. Nè bóbò kabèèna mwà kumulongesha bwà kwakulayè lùkàsà nàнку to. Kàdi nudi bamanyè mùdiye ùcìpeta anyi? Ùdi wàngata ànu njila mulongolola wa Nzambi bwà cyòci aci. Udi ùcìdidila mwadi, wèla mikunda, nè ùdisuba, nè wèla mbilà too nè mùdiye ùcìpeta. Nwamònu anyi? Ncyà bushùwà. Ke mùshindù wùmwèpelè ngwòwò awu, ngwà kwela mbilà bwà kucìpeta. Kabèèna mwà kupeta njila mutàmbe bwìmpè mulongolola kutàmbe njila mulongolola wa Nzambi to. Ncyà bushùwà. Lekà cìye ànu nàнку's. Nè bintu byà mu bufùki abi . . .

¹⁷³ Mvwa mwimàne, àbìdì àdì panshì aa, mu Allemagne, nè mvwa ngààkula nè musùmbà munène wà bantu. Ke mèmè kwamba nè: “Mbwalu kaayi ebu neenù's nwènu beena Allemagne? Nudi bamanyè's, mvwa ngènda mpweka nè mùsèèsù, ke mbwa kubùlukayè, nè ùvwa ùbùluka mu Anglais.” Mèmè nè: “Maamù kampàndà ùvwa ùteeta kupùwisha mwanèndè pambèlu apa mu kàshinyi, kùkaadi katanci, nè ùvwa ùdila mwadi, nè ùvwa ùdila mu Anglais.” Mèmè nè: “Citùdi twelakeena ncinyi? Nwamònu anyi? Bàdi bàlonda njila mulongolola wa Nzambi. Nènku tudi bafùmìne ku cibùmbà cyà Baabèlè, nudi numòna's, bàdi nè bintu byònsò mu cimvundù.” Ncyà bushùwà!

¹⁷⁴ Mmumanyè nè njila mulongolola wa Nzambi ke njila mutàmbe bwìmpè. Kì mbamanyè mùshindù mutàmbe bwìmpè bwà mwànà awu kupetayè cidiye muswè kupeta aci kutàmbe kucìdidila mwadi to. Mùvwà Docteur Bosworth nè ciibidilu cyà kwamba nè: “Mwànà udi udila bikolè menemene awu ki udi upeta bintu bitàmbe bwìmpè.” Ke mùshindù wùdibi nàнку.

¹⁷⁵ Bidi mwomùmwè bwà bânà bàà Nzambi. Ndi mwà kunùfwànyikijilaci. Muntu kampàndà ùjuuka, mwikàle, wàmbe, munkaci mwà kucyànkunya bàzòkà wendè bìmpè menemene nè: “Udi mumanyè's, Taatù, ndi kaaba aka dilòlò edi. Wèwè muswè kumpèèsha Nyumà Mwìmpè, mbìmpè. Mèmè ndi kaaba aka. Kàdi Wèwè muswè kungondopa, ndi musòmbe kaaba aka. Kàdi Wèwè kùyì muswè, mòna's, èyo. Ndiswa Dyèbè, Mukalenge.” Yèyè's ùkaadi mumanè kufùnda diswa, mu Bible

emu. “Eci ndiswa Dyèbè.” Èyo. Eci ke diswa Dyèndè, *apa* mene. “Nènku Wèwè muswè bwà mèmè kucipeta, nèncipetè. Kàdi, nànsha nànkù, Wèwè kùyi muswè to, mōna’s, bidi ànu bimpè.” Kwàdyàkufikakù mwaba nànsha wùmwè to.

¹⁷⁶ Kàdi muntu àlwe kuntwaku wèla mbilà mikolè, bu mùvwà Buddy Robinson amu. Kwimanayè munkaci mwà budimi bwà matalà. Kuswikayè kampundu kèndè aku. Yèyè nè: “Mukalenge, Wèwè kùyi mumpèeshe Nyumà Mwimpè to, paWàlukila nèusangane mushiki wà mifùbà myungwile ànu mwab’ewu mene. Nènshaalè mwab’ewu too nè pangààMupeta.” Ke mudimu ngwòwò awu.

¹⁷⁷ Nzambi ùtu misangu yònsò ànu ùtùmina bantu Bèndè dīyì, bānà Bèndè bàdi biitabuuja, bwà kuyabò misangu yònsò mu njila Wendè mulongolola. Ke mmwènu wa Nzambi nyèyè awu, bwà kuleeja bānà Bèndè, njila Wendè mulongolola. Elà mbilà bwà cyùdi naaci dijinga. Yèyè mmuswè bwà wèwè kwela mbilà mikolè.

¹⁷⁸ Pàakabangà Peetèlò, wènda wèndela pa màyi, wàkeela meeji nè maalu àvwa ènda bimpè. “Nwamònu mündi ngèza bimpè anyi?” Wàkatwàdija kudiina. Yèyè kàakamba nè: “Èè, ngèela meeji nè ncipangile,” kubanga kudiina nè mwìnshì nè mu ndòndò, ndambù wa ntutu kubàndayi, nènkù ke cyònsò cìvwàku. Nwamònu anyi? To, to.

¹⁷⁹ Kwelayè lubilà lukolè nè: “Mukalenge, nsungilèku.” Amen. Ke cyanza cyà Cyendèlèlèlè aci kwololokaci nè kumujuulaci cyàkàbìdì. Bwà cinyi? Úvwa mwelè lubilà lukolè.

¹⁸⁰ Ke lutàtù lùdi naalù èkèleeziyà ndwòlù alu. Katwèna tushàala mwaba awu ntàntà bule bukùmbàne to. Katwèna twela mbilà ntàntà bule bukùmbàne to. Katwèna tushàala bakwàtekù to. Mwànà mukesè yèyè muswè cintu kampàndà, nèadisubè nè kwela mbilà mikolè, kukùnjija kwisù kwònsò. Tudi nè bwòwà bwà nè tudì mwà kuumusha (ncinyi aci’s, munùdi nuci bìikila?) mascara kwisù kwètù, anyi nì ncinyi cidici aci, cilaabu aci. Udi upeta—udi upeta cyùdi muswè kupeta kùdi Nzambi aci, nèucyùmushè, nànsha bishi. Pa nànkù, kabyèna bìkèngela bwà wèwè kuditàcisha bwà bwalu abu to. Udi mwà kunyangakaja nsuki yèbè, kàdi aci kacyèna nè cidici cishintulula to. To. To, mukalenge.

¹⁸¹ Mpindyewu, Nzambi kàtu ùtèkemena bwà twètù kulwa kùdiYè nè muiiki kampàndà wà mamanya à mu mutù to. Ndi mvùluka nè ngakateeta cintu aci pangàakateeta bwà kusungidiibwa. Mvwa nè cyà kuMufùndila mukàndà nè kuwùtèèka mu micì, bwalu mvwa mumanyè nè Yèyè úvwa mwà kupicila mu micì amu nè kwakula naanyi. KuMwambila nè ndi ndyùmvwa bundù, nè ncìvwa—ncìvwa muswè kucyèza to. Ke mèmè kuya kuntwaku bwà kusambila. Mèmè nè: “Mpindyewu, twànjlìbì kumòna. Ngaakamòna fòtò musangu kampàndà, wa

nè bàvwa batèeke byanza byàbò mùshindù *ewu*.” Mémè nè: “Mukalenge Yesù, ndi njinga bwà Wàlwakù mu kasunsa kàmwè kaaba aka. Ndi muswè kwakulakù Neebè ànu bwà katanci kakesè cyanààna. Ndi munkaci mwà kutèeleja.” Muntu nànsha umwe. Mémè kwamba nè: “Ndi mucyènzè bibi. Èyo. Mukalenge Yesù, pàmwàpa ndi nè cyà kucyènza mùshindù *ewu*.” Mémè nè: “Mukalenge Yesù, Udikù mwà kulwa kunkwàcisha anyi? Mémè ndi ngènzàmpèkààtù. Ndi muswè kuyiikilakù Neebè katanci kakesè.” Muntu nànsha umwe kàakalwa to. Mémè kuvùnga mabòkò. Mémè kwamba nè: “Mukalenge Yesù, Udikù mwà kulwa mwaba ewu anyi? Ndi muswè. . . Ntu nguumvwa bantu bàmba nè: ‘Nzambì mmwakùle naanyi.’” Mémè nè: “Mukalenge Yesù, Udikù mwà kulwa mwaba ewu anyi? Ndi muswè kwakulakù Neebè.”

¹⁸² Mu bushùwà bwà bwalu, díbà adi dyabùlù kumatayè mu cyalu. Mùshindù awu ke wùdiye wènza. Mmufwànyine kukwambila nè: “Binù byèbè bìdì bìsaama. Kabyèna bikèngela bwà kulòmba to, wamònu’s. Indilà wèwè, neùcipetè mààlabà dilòòlò.” Yèyè ùdi misangu yònsò ànu mu nyùngulwilu paùdi kùyì mudilongòlòle to. Ke díbà adi kungambilayè. . . Kàdi misangu yònsò, ke cidìye wàmba, bàkula cyà mushinga mu cidìye wàmba aci. Bàkulà cyà mushinga mu cyòci aci.

¹⁸³ Wàkangambila nè: “Udi mumanyè mùdì bwalu anyi? Ukàadi nè bidimu dikùmi nè citèemà, anyi nè bidimu makùmi àbìdì.” Yèyè nè: “Ukàadi nè bidimu makùmi àbìdì. Ukàadi mwindile ntàntà mupitèpìte bule.”

¹⁸⁴ Mémè nè: “Èyi Nzambì wa yààyà, nkàadi mwindile ntàntà mupitèpìte bule. Mukalenge, nànsha Wèwè kùyì ungumvwa to, nènkwambilè, ànu dikwambila. Mémè ntu misangu yònsò ànu muswè kwenza cyòci eci.” Kaa, mwanètù, aci’s cyàkaMutwàla mu cyalu. Nwamònu anyi? Cìvwa ncinyi? Mvwa mwelè mbilà mikolè, ànu bipeepèle nùnkù. Elà mbilà! “Mukalenge Yesù, Wèwè ngwàkacilaya, Mukalenge.” Yèyè wàkabwela mu cyalu.

¹⁸⁵ Ke mùshindù wà kuMubweja mu cyalu ngwòwò awu. Wèwè udi ànu mwànà wa mu dibòkò cyanààna. Elà mbilà, cyèlelè mbilà.

¹⁸⁶ Kùteeci kwamba nè, èè, cintu kampàndà cinène, cikwàbò, nè disambila kampàndà dinène dimana kufùnda dyùdì wambulula, munda mwà díbà dijimà anyi àbìdì. Aci kaciyèna nè dikwàcisha nànsha dikesè to.

¹⁸⁷ Mùtùbo bàmba nè: “Uvwa mwambùlùle disambila anyi?” To. Kwambulula disambila mmpèèkaatu. Udi usambila disambila. Kwambuludi disambila to. Disambilà. “Ambèku disambila bwanyì mémè.”

¹⁸⁸ Mémè nè: “Kungènzèdikù mémè aci to. Udi mwà kunsambidila, kàdi kwambìku disambila to.” To, mukalenge. To. Ànu, nsambidilèku paùdi usambila apu. Èyo.

189 Elàayi mbilà bwà makèngela ènù. Ke njila mulongolola wa Nzambi nyéyè awu. Yesù kàakacyùmvwijakù pàakambàYe bwà nzuji mubi, kùdi mukàji uvwa wela lubilà muunya nè bufùkù awu anyi? Mmuni mwatàmbà Taatù wa mu Dyulu kufila Nyumà kùdi aba bàdi beèla mbilà Bwèndè, muunya nè bufùkù abu? Kèbaayi, tungunukàayi nè kukèba. Kòòkolàayi, tungunukàayi nè kukòòkola. Tungunukàayi too nè pàakàngulàYe. Shààlayi pambèlu pàaci. Elà mbilà too nè pàdi Dìyi dilaya dishindikiibwa, díbà adi udi ucipeta. Kabyèna bikèngela kàbidi kuditàcisha to. Udi umòna nè Bible mmucilayè, díbà adi shààla ànu mwaba awu wela mbilà too nè paùdi ucipeta.

190 Mwàna wa mu dibòko yéyè mumòne cisùkwità nè yéyè naaci dijinga, ùdi ànu ùdila mwadi, udila mwadi, nè ùdila mwadi, nè ùdisuba, ùkùpà mikòlò, nè wèla mbilà, nè wèla mikunda, nè ùkùnjija kwisù. Mamwèndè ùdi ùmupetela cisùkwità, bwalu pààbù bumba bùdikòsa. Nwamònu anyi? Ùdi ùpeta civwàye mumòne, civwàye ùjinga aci. Yéyè muswè kulàka lutòndù lwà dibwe dyà mashika, neàjuulè ànu mukòdi too nè mwàlùpetàye. Nwamònu anyi?

191 Èè, mùshindù awu ke wutùdi nè cyà kwenza. Mèmè mumòne mulayi mu Bible mwikàle Dìyi dyà Nzambi, díbà adi ndi nshààla ànu mwaba awu ndila mwadi too nè pàdi Nzambi ùwùmpèèsha. Nè Yéyè's mmufwànyine kucyènta, kukuumusha mu byanza Byèndè; nudi numòna's, aci's ncifwànyine kwikala mu mubidi. Kàdi Yéyè mmuswè bwà wèwè kucyènta. Mmuswè bwà wèwè kulòmba. "Lòmbaayi byà biyiila nè panshi bwà masànkà ènù àmòna mwà kuulawù." Èyowà. Èyowà.

192 Elà mbilà too nè pàdi Dìyi Dyèndè dishindikiibwa. Mpindyewu, mulundà wanyi, tütàngilèbi ànu katanci kakesè cyanààna mpindyewu. Elà mbilà too nè pàdi Dìyi dishindikiibwa.

193 Lutàtù lùdiku ndwà nè, tudi tupeta cisùkwità kàdi twela meeji nè ke cyònsò cìdiku. Kùdi mèèsà majimà mùle tètè. Tudi tufika mu mùshindù wa tukùumbana mwà kwakula mu myakulu, ki twètù nè: "Kaa, mwanèètù, s'kwàjiki." Kaa, to. Aci kì nkujika to. Aci's cìdi ànu ndambù wa ku cyòci. Ncyà bushùwà. "Kaa, ndi nè disànkà dikùmbàne bwà kwela mbilà." S'ki cikwàbò cintu ncyòci aci. Kàdi kùdi byàbùngi bikwàbo byà cyòbì aci. Tungunukà wèwè ànu nè kwela mbilà, too nè. . .

194 Ke njila mulongolola wa Nzambi bwà cisàmbà Cyèndè nyéyè awu. Njila mulongolola wa Nzambi ùtu misangu yònsò ànu wa kwangata Dìyi Dyèndè nè kushààla mukwàteKù too nè pàdiDi dishindikiibwa kùdi. Mpindyewu, nudi nundonda anyi? Nzambi, njila mulongolola, shààlayi bakwàte ku mulayi too nè pàamwèneshiibwàwu kunùdi.

195 Nèku, vùlukàayi nè, cìndi ngàmba eci cìdi munkaci mwà kukwàciibwa pa mukàbà wà mèyi. Nè, mulayi kanà wònsò

wà Nzambì mu Bible, bu . . . Wùdi ku mishingà mpindyewu. Kabyèna ànu nè bwalu udi witabuuja nè cidikù, aci kacyèna cyènza nè necyènzekè nàнку to.

¹⁹⁶ Bâfaalèsà nè Basadokà abu bàvwa batèndeledi ànu nè meeji à cijila awu nè mwàbò mwònsò mùvwàbo mwà kwikala amu. Kàdi Nzambì kwambaYè nè: “Bàdi bànunka mu dyùlù Dyànyi.” Nwamònu anyi? Kakùvwakù meeji matòoke to. Kamùvwa cintu nànsha cimwè civwà nè cyà kwikalamu aci to.

¹⁹⁷ Bikèngela ùlwe pa nshindameenu wa mulayi, nè pashiishe pa lwidi lwèbè lwà mu mutù pa cyòci aci.

¹⁹⁸ Tàngilàayi baakwidi nkàmà yinaayi abu ditùkù adi, anyi bapròfetà, bàvwa Aakàbà naabò kuntwaku. Bàakamba nè: “Laamòtà-gilàdà ngwetù. Yoshùwà, ku Nyumà Mwimpè, ngwàkamwabanya. Kàdi beena Suuliyà’s mbamwangàtè.” Ke mupròfetà kampàndà kwambayè nè: “Mpindyewu, tàngilàayi kùnweku, ncyà bushùwà bilondèshile mùdi maalu.” Mpindyewu, yèyè ùvwa Baptiste mulelèlè. Ke yèyè nè: “Ncyà bushùwà menemene. Ke mulayi wà nshindameenu ngwòwò awu, mulayi. Buloba abu mbwètù twètù.” Ke kudyènzelayè nsèngu yibidi minène, nè kwambayè nè: “Bànda kuntwaku, nè angàtà nsèngu eyi nè wipatè naayi beena Suuliyà bònsò. Abu mbwà Izalèlèlè.” Ncyà bushùwà. Bilondèshile mùdi bwalu, civwa cyà bushùwà.

¹⁹⁹ Kàdi Miiikà mukesè awu wàkamba cinyi? Wàkamba nè: “Ndi mumòne Izalèlèlè mutangàlake bu mikòokò kayiyi nè mulami nànsha.” Nwamònu anyi?

²⁰⁰ Aakàbà, mwena lubombo awu kuntwaku, ùlekela Izabèlèlè ùmupulumuna ku dyùlù, wènza bintu byònsò. Díyi dilelèlèlè dyà Nzambì diikàle dilwila kùdi mupròfetà, dyàkeela cintu aci mulawu. Kàdi mmunyi mùvwà Nzambì mwà kubènesha cikaavwà mupròfetà mwelè mulawu mu Dìna dyà Mukalenge? Nwamònu anyi? Kabyèna mwà kwenzekakù to.

²⁰¹ Nànsha twètù biikàle ditungà dyà batèndeledi bàà bishi, nànsha twètù nè pàakwimanyina pàà bishi, cintu ncinyangùke nè cinyangùkilemù. Bwàci mbupwè.

²⁰² Nsòmbelu wetù wa bulongolodi nànsha mwikàle munène mu èkèleeziyà bishi, tudi tucitabuuja, mbimpè, èyo, kàdi cintu aci ncinyangùke. Nzambì ùkaadi mumanè kubàtèeka pa citàmbà, kàdi’s ke bòbò abu bashààlepù. Nè kakwènakù kantu nànsha kàmwè mu maalu-malonda kàkaadiku bulongolodi nànsha bùmwe bujuukè cyàkàbidi to. Nànku, mbubi. Mbujikè, mbumùshiiibwe; Kabwèna nè mushinga to.

²⁰³ Díyi Dyèndè ke didiYe muswè misangu yònsò bwà kumòna dishindikiiibwa. Nedishindikiiibwè ànu pa mishingà kampàndà, ndìbà dyùdi ukumbaja mishingà ayi. Nukàadikù bamòne bantu bàdi mwà kwangata Díyi dyà Nzambì nè kuDìvwija ànu nè mwoyi bwàbò bòbò. Nè bakwàbò bàdi bàalukila buludi ànu nè Díyi dimwèdimwè adi kàdi kabayi mwà kwenza naaDì

kantu nànsa kàmwè to. Mbilààle ku mishìngà kampàndà. Ncyà bushùwà.

²⁰⁴ Tàngilàayi kunweku. Nènnùleejè cileejilu cyà cyôci aci mu Bible. Izâlèlèlà ùvwa mu njila mutàngile ku buloba bulaya. Ke Moàbà ulwàlwa ewu, uvwa—uvwa ntèdeleelu ànu umweumwe awu, menemene's. Awu ùvwa mmwànà wa mwànà wa bakàji wa Lotà. Kàdi mònaayi pààkapwekà Baalàmà, ùvwa n'Nzambi wàkula nendè. Wàkaasa byoshelu mwandamutekète, ànu mùvwà Izâlèlèlà nè byoshelu mwandamutekète amu. Wàkatèeka milàmbù mwandamutekète mikezùke, bimpàngà byà ngombe pa cyoshelu apu. Aci's ke cìvwà naaci Izâlèlèlà menemene. Nè cikwàbò cintu, yèyè wàkateeka bimpàngà byà mìkòòkò mwandamutekète, byàkula bwà Maasiyà uvwa nè cyà kulwa awu. Ke cyôci aci menemene cyàkadi naaci Izâlèlèlà. Biitabi bàà maalu mùdiwu mafùndiibwe, bùbìdi bwàbò bàvwa babingè, bilondèshìle mùdi maalu. Kàdi bìvwa ànu pa mishìngà. Amen. Wàkapanga kumòna mulayi mulelèlà wà Nzambi.

²⁰⁵ Ke cintu cìmwècìmwè aci cìvwàku ku dilwa dyà Kilistò. Ke cintu cìmwècìmwè aci cìdi cyalùkile leelù ewu. Cìdi ànu ku mishìngà. Mmómò.

²⁰⁶ Yobò. Nzambi (wènza cinyi?) ùlongolola njila. Yobò, mupròfetà, ùvwa dijìnga nè musàmbi.

Mpindyewu, tèelejàayi nè ntèmà mpindyewu. Dìbà dyànyi dyàyi.

²⁰⁷ Yobò ùvwa dijìnga nè musàmbi. Kàdi bantu bààkateeta bwà kumupetela cintu aci, kàdi bôbò kabàvwa mwà kucyènza to. Bàvwa misangu yònsò ànu bàfikisha Yobò kudilaluka mu mulongo. Kàdi Yobò ùvwa wàlukila dyàkàmwè. Bìvwa bimukèngela musàmbi. Nzambi wàkamulongolwela musàmbi, pààkamupèshàYe cikèènà-kumòna cyà Yesù Kilistò. Ke kwelàyè lubilà nè: “Ndi mumanyè nè Mupikudi wanyì ùdi nè mwoyi. Mupikudi wanyì,” kùdi ànu Umwèpelè, “nè ku matùkù à ndekeelu Yèyè neimanè pa buloba.” Mpindyewu vùlukàayi cikèènà-kumòna aci.

Wambi nè: “Mupikudi wanyì.”

²⁰⁸ Wàkamuleeja Kilistò. Kilistò ùdi Dìyi. “Ku cibangidilu kwàkadi Dìyi, nè Dìyi dyàkadi nè Nzambi, nè Dìyi dyàkadi Nzambi. Nè Dìyi dyàkavwijiibwa mubidi nè dyàkasòmbela munkaci mwètù.” Nènku pàvwà Yobò, mwikàle mupròfetà . . .

²⁰⁹ Mpindyewu tèelejàayi. Yobò, mwikàle mupròfetà, Dìyi dyà Mukalenge dùtu dilwa kùdi (cinyi?) mupròfetà. Kakùyì mpatà to. Ke kùdi Dìyi dilwa's. Ke mùshìndù wùdi umanya nè mbapròfetà anyì to. Bàdi bàshààla mu Dìyi. Dìyi ndibuulwila mupròfetà. Nè Yobò ùvwa mupròfetà. Kàvwa mwà kumòna ndekeelu to, kàdi pààkamònàye Dìyi, mwikàle mupròfetà, kwambayè nè: “Ndi mumanyè nè Mupikudi wanyì ùdi nè mwoyi,” paanyimà pàà

èkèleeziyà mumanè kupangila, paanyimà pàà bintu bikwàbò byònsò bimanè kupangila.

210 Nànsha mukàjèndè munanga mene ùvwa mumwelè màyi ku makàsà, kuswa bwà yèyè kwamba . . . “Bwà cinyi kuyiku ànu uya wela Nzambì awu mulawu, kàdi kufwà lufù lwìnè’s, Yobò?”

211 Yèyè nè: “Wèwè’s udi wakula ànu bu mukàjì mukùtàkàne. Mukalenge nguvwa mufile; Mukalenge ngwängàcì; Dìna dyà Mukalenge dibèneshiibwè.” Ke mikungulu kubangayi kukungula, nè mikenyi kwelayi. Nyumà wàkalwa pa mupròfetà, nè wàkamòna Dìyi. Pashiishe kwambayè nè: “Ndi mumanyè nè Mupikudi wanyì ùdi nè mwoyi. Ku matùkù à ndekeelu Yèyè neìmanè pa buloba. Nànsha misàndà yà mu dikòba nibùtùle mubidi ewu, nànsha nànu mu mubidi wanyì mémè nèmmonè Nzambì. Amen. Nèndimònè mémè mwinè. Mèsù àanyi neàtangilè, kàdi kàyi à mukwàbò to. Katwèna batwàle cintu nànsha cimwè pa buloba ebu to, nè ncyà bushùwà nè katwèna tupàtulamù cintu nànsha cimwè to. Mukalenge nguvwa mufile; Mukalenge ngwängàcì; Dìna dyà Mukalenge dibèneshiibwè.” Musàmbi kaayipu’s wè! Wàkalòmba cidimba cyà èkèleeziyà kampàndà; Nzambì wàkamupà cikèènà-kumòna. Yèyè wàkalòmba mwèpiskòpò bwà kulwayè kumupèèsha busàmbi, mukùlù awu; Nzambì kupèèshayè mupròfetà awu cikèènà-kumòna. Ke civwà cimukèngela aci’s.

212 Izalèlèlè ùvwa ùkèngela njila wa dipàtukila mu Èjiipitù. Bàvwa bàkèngela njila kampàndà, dikàndà kampàndà dyà bàsàlaayi anyì cintu kampàndà, bwà kubàsungila ku byanza byà beena Èjiipitù. Nzambì wàkalongolola mupròfetà mwikàle nè Dìyi dyà ku cibangidilu dishindika. Mòsà! Ncyà bushùwà anyì? Bàvwa dijinga nè cilwilu kampàndà bwà kujuukaci bwà kubàpàtula, nè kutuuta beena Èjiipitù. Kàdi Nzambì wàkabàtùmina Dìyi, mupròfetà mwikàle nè Dìyi dishindika divwà Nzambì mwambìle Abraham kumpàlà, wàmba nè: “Dimiinu dyèbè nedisombelè mu buloba bwenyi. Kàdi Mémè nèmèmbwènèkèlè nè cyanza cyà bukolè,” Dìyi divwà Nzambì mwàmbè adi. Bàvwa bèèla mbilà bàkèba musungidi, ke Nzambì kubàtùmina mupròfetà nè Dìyi. Nzambì ùvwa nè njila mulongolola wà kumanya dishiilangana pankaci pàà mwena kwitabuuja nè mwena bupidyà. Nènku Nzambì . . .

213 Mpindyewu, bàmwè bàà kùdibo bààkamba nè: “Èè, mpindyewu, cipùpu cyòcì cidikùme, netùye ànu mu lùpitàadi. Cipùpu cyòcì ànu—cipùpu cyòcì ànu cidikùme, nudi bamanyè citwènzà anyì? Netùye kangata Docteur Jones. Yèyè neàmányè mwà kutàbaleela bwalu abu.” Kacyàkakumbana to. Pààbù’s, bàvwa nè meeji matwè. “Èè, cipùpu cyòcì ànu cidikùme, netùye kabwela ànu mwìnshì mwà buloba, mu nyòngòlò, kàdi kukànga ciibi’s.” Aci kacyàkucyènzèlakù cintu cimpè nànsha cimwè to. “Netùshaalè mu nzùbu, nè kudijika cibwikilu mumpàlà, nè—nè kwelapù bwanga.” Kacyàkambulwisha nànsha kakesè to.

214 Nzambì wàkaseba njila mulongolola. Èyowà. Nènku cìvwa (cinyì?) mashi. Nzambì wàkacìlongolola, nànsha mùvwàbi bimwèka bipeepèle amu, bwà kwangata mashi à mwànà wa mùkòòkò nè kumyamina ku ciibi. Kàdi, Nzambì wàkamba nè cìvwa njila Wendè, nè Yèyè wàkacitwa mushinga. “Bònsò bàvwà pambèlu pàà mashi bààkafwà, baanààbutè.”

215 Pààkajingà Noà njila mulongolola, bwà kusùngila bàà mu nzùbù mwèndè, Nzambì wàkamufikisha ku diibaka bwàtù. Bàvwà bafwànyine kwikala biibàke mâtù à mafi. Ke cidi bantu bèèla meeji leelù ewu. Kàdi, nudi numòna’s, eci cìvwa mbwàtù bwà pabwàbù. Bàvwà pàmwàpa nè mâtù musangu awu, à mwomùmwe nè àdìbo naawù mpindyewu aa, kàdi ebu bùvwa mbwàtù bwà pabwàbù. Cìvwa... Ntèèlèjaayi mpindyewu. Cìvwa mbwàtù bwibaka kùdì Nzambì.

216 Nènku èkèleeziyà leelù ewu ùdi mùshindù wùmweùmwe awu. Ùdi nè cyà kwikala èkèleeziyà mwibàkiibwe mu Bible. Dilabula dyànyì kí ndyà kwikala cidimba citàmbe bwímpè mu èkèleeziyà to, kàdi ndilabula didì diibàkiibwe kùdì Díyì dyà Nzambì. “Bimanyinu ebi nebifilè aba bàdì bìitabuujà.” Dilabula diibaka kùdì Nzambì, ke cintu cimwèpelè cyàngambulà. Ke cintu cimwèpelè cyàkwambula.

217 Cintu kanà cyònsò eci cyàbàndìshiiibwa kumutù kwà cyòci aci, nànsha bùngì kaayì bwà nè: “Ndi ndwà...” Wèwè udi wamba “Tàngila, mèmè—mèmè ndi Méthodiste mwímpè, Baptiste, Presbytèrien, anyì mwena Mpenta.” Aci kaciyèna nè cìdìci cyùmvwija kùdì Nzambì to.

218 Ùdi nè cyà kwikala mulongesha kùdì Nzambì. Nènku aci n’Nyumà Mwímpè, ku Díyì. Nè Nyumà Mwímpè kààdyàkulongeshakù cintu nànsha cimwè pàdìci kaciyè Díyì to, bwalu Yèyè ùdi Nyumà Mwímpè. Bantu bààkakwàta mudimu, kaa, bààkafùnda Bible ku Nyumà Mwímpè, njila mulongolola wa Nzambì.

219 Mpindyewu, Izalèèlà ùvwa ùkèngela bi—bintu. Ke Nzambì kubàpèeshabi, nè kutàpululayè mwena kwitabuuja nè mwena bupidyà. Cintu cimwècimwè aci cidìku leelù ewu, mwena kwitabuuja nè mwena bupidyà, batàpùlùke.

220 Mòsà, bikèngela ntupikèku tuntu twàbùngì tufùnda mpindyewu, kàdi, Mòsà, musadidi wa lulamatu wa Nzambì!

221 Mpindyewu tèèlèjàayi, nwènù beena kale abu. Bàmwè bàà kunùdì bu mèmè kùnu, bàdì bènda bàbànda mu bidimu byàbò, tèèlèjàayi.

222 Mòsà ùvwa mukwàcile Nzambì mudimu nè lulamatu lwònsò. Ùvwa mutwàle dikòkangana dyàbò dyònsò adi, nè baDatàna bònsò bààkajuukà abo bàmba nè: “Amba túng, s’kùdì bantu bakwàbò bàdì baprófètà pa kuumusha wèwè. Kwèna ànu

mulùme nkààya to.” Nè yèyè ùvwa mumanyè nè ùvwa nè Mukenji wà Nzambi bwàbò bóbò. Batentudi bàakajuuka.

Mòsà wàkamba ànu nè: “Nzambi, cìndi mwà kwenza ncinyi?”

223 Ke Yèyè kwamba nè: “Tàpulukà. Mémè nêminnè ànu cintu aci. Angàtaayi makombo ènù awu, nè bwelàayi muntu mwàmwa nùmonè nè ndyepi dyèlà ntòngà. Nwamònu anyi? Mémè nênnùleejè nè nganyì udi mwakwidi, nganyì udi mupròfetà.”

224 Nè Mòsà ùvwa mukwàte mudimu awu nè lulamatu. Pashiishe pàakakùlakajàye, bidimu lukàmà nè makùmi àbìdi bìvwàye mwendè nè lulamatu kùdi Nzambi. Bidimu byònsò makùmi ànaayi ebi mu cipèèlà, wàkatwàla makèngeshiibwa à mishindù yònsò à matùnga nè bantu, ku musangu nè ku musangu. Nè pashiishe kwàkalwa cikondo cyà kufwàye. Ùvwa ùkèngela mwaba wà kufwilayè. Nzambi wàkamulongolwela mwaba pa Lubwebwe.

225 Éyi Nzambi, ndekèlè mfwilèpu, mémè pàànyì, pa Lubwebwe alu. Lubwebwe alu ùvwa n’Kilistò, nudi bamanyè’s. Nzambi wàkalongolola mwaba wà Mòsà kufwilayè. Ke pândi muswè, mémè, ndi muswè kufwilapù. Lekèlè mfwilè mu Kilistò.

226 Nè pashiishe pàakafwàye, mubidi wèndè mulàale mwaba awu, bivwa bimukèngela bambudi bàà mushèètè wà bafwè. Ke Nzambi kulongolola bambudi bàà mushèètè wà bafwè, Banjèlò. Bwà cinyi? Bóbò ke Bàvwà mwà kamufikisha kùvwàye ùya. Amen. Nzambi wàkalongolola bambudi bàà mushèètè wà bafwè. Ncyà bushùwà.

227 Ndi mweyèmène Nyumà Mwîmpè, pa Dîyi, mulayi awu. Kì nkupàtuka neebè bwà kuya neebè mu mwaba munène mulenga wà kukujiikila to. Bààkenzela muntu mubanji mùshindù awu, kàdi yèyè wàkabàndisha mèsù mu ifernò. Nwamònu anyi? Kì mbwà kwikala nè dijiikiibwa dyà mikùùkùku to. Kabyèna nè cìdibi bìshintulula to. Ndi muswè kulonda njila mulongolola wa Nzambi. “Aba bàdi mu Kilistò Nzambi neálwe naabò pàmwè Nendè pàalwàYe.” Ke mùshindù ùvwàYe mulongòlòla ngwówò awu. Nzambi wàkalongololwela mupròfetà Wendè wa lulamatu mwaba wà kufwilayè.

228 Henòkà, paanyimà pàà yèyè mumanè kwenda bidimu nkàmà yitaanu nè Nzambi, nè Nzambi mumwambile nè: “Henòkà, kabyàkukèngela bwà wèwè kufwà to. Udi muswè bwà kubànda Kumbèlu anyi? Udi nè majiyà à kumbèlu anyi, Henòkà?”

Yèyè nè: “Èyowà’s, Mukalenge. Ndi nè majiyà à kumbèlu.”

229 Yèyè nè: “Ùvwa mubwelè mu nzùbu wa beena cikupi kuntu kwàka ntàntà bule bukùmbàne anyi?”

Yèyè nè: “Èyowà’s.”

Yèyè nè: “Èyo, asàaku ànu lwendu’s.”

230 Henòkà ùvwa dijinga nè cibàndilu. Nzambi wàkamupèèsha cibeeba. Ke cìvwa njila wa Nzambi bwèndè yéyè aci's. Wàkamulongolwela cibeeba, cìvwa cibànda muulu's! Yéyè kàvwa . . . Yéyè wàkabànda ànu muulu, mùshindù *awu*. Kàvwa nè cyà kuditàcisha to, nànsha kakesè. Kubàndayè ànu buludì; ke Nyumà Mwìmpè, paanyimà pèndè, kumubàndishayè muulu buludì. Wàkabànda buludì mu cibeeba cyà cijila, buludì nè mu Bukalenge bwà Nzambi.

231 Eliyà, paanyimà pàà yéyè mumanè kupiisha nsukì mibèbula nè kwisù kulaaba bilaabu, mu matùkù èndè ónsò à mwoyi, byà Yezàbèlà awu, mukàji wa mfùmù awu, yéyè nè mfùmù wa ditunga mwèndè luumu wa cikondo aci, wàkatèeka cileejilu cibì kumpalà kwà bantu nè kubàlalula mu ntùpàkànyì awu. Nènku—nènku, mu bushùwà bwà bwalu, yéyè ùvwa wèla meeji nè yéyè ke umwèpelè uvwa uyiisha cyòci aci. Ùvwa ànu mucitwàle mu mùshindù wónsò. Nènku wàkenza byàbùngì, mu mùshindù wà nè ùkaavwa wènda ùcyòka, nè kujingayè bwà kwalukila Kumbèlu. Nè yéyè ùvwa mumanyè nè Nzambi ùvwa wa ku Dyulu. Bìvwa bìmukèngela mwonji bwà kubànda, bwà kufika mu Dyulu, kàdi Nzambi wàkamutùmina dikalù dyà mvità nè tùbalù tùbidì tuswikilakù. Ke njila mulongolola wa Nzambi bwà kumwangata nyéyè awu. Ùvwa mufwànyine kwikala mwindile mwonji, kàdi Nzambi kutùma dikalù dyà mvità. Ke cìvwa njila Wendè ncyòci aci. Yoshùwà . . .

232 Nè ku ndekeelu kwà njila, ke cìvwa ndekeelu wa Eliyà. Bìvwa nàнку bwà Noà. Bìvwa nàнку, misangu yónsò, ndekeelu.

233 Mpindyewu, Yoshùwà, pààkafikàye ku ndekeelu kwà kajila, mu cipèèlà cijimà, tàngilàayi, bìvwa bìmukèngela cilamba bwà kusabuka Yadènè, kubwela mu buloba bulaya. Nzambi . . . Yéyè, bìvwa bìmukèngela cilamba. Kàdi njila mulongolola wa Nzambi ùvwa mbukolè kampàndà, kì ncilamba to. Yéyè kutùma bukolè, nè kulaminaYè musùlù awu paanyimà. Nè wàkasabuka mu buloba bùmè. Ke cìvwa njila mulongolola wa Nzambi awu's, kì ncilamba to. Yéyè ùvwa nè Maanyimèèlà mutàmbe bwìmpè. Pa nàнку, Wàkamutùmina bukolè, bwàkasàkà màyi paanyimà too nè mwàkendelàye mu buloba bùmè.

234 Danyèlè, bwà bwalu bwà Nzambi, bààkamukùpa mu bwinà bwà ntambwe. Bìvwa bìmukèngela lupangu, kàdi Nzambi wàkamutùmina Mwanjèlò. Dishìilangana kaayi's wè! Ke cìvwa njila mulongolola wa Nzambi aci. Bìvwa bìmukèngela lupangu, kàdi Nzambi wàkamupèèsha Mwanjèlò. Lupangu kaayi lwa lutàmbe bwìmpè lùvwàci's wè! Yéyè ùtu misangu yónsò ànu ùkupèèsha bìmpè kutàmbe mùdi ulòmba amu, misangu yónsò. Eyowà. Bìvwa bìmukèngela lupangu; Nzambi wàkamutùmina Mwanjèlò.

235 Bàna bàà beena Ebèlù abu, bàvwa dijinga nè màyi, bwà kujìma kapyà aku. Kàdi Nzambi wàkabàtùmina Muntu

mwinâyi. Ke cyônsò civwàbo bàkèngela. Yéyè wàkasuùlula byanza byàbò, nè wàkaakula naabò. Bàakapátuka kabàyi nè mupùuyà wà kapyà pambidi pààbò to. Bìvwa bìbàkèngela màyi; Yéyè wàkatùma Muntu mwinâyi.

²³⁶ Beena meeji bàà mu Baabùlòònà mwàmwa, mu Inde amu, bàvwa bamanyè nè cintu kampàndà cidi pabwípì nè kwenzeka. Bàvwa bamanyè nè Mfùmù ùvwa mulediibwe, nè bàvwa dijinga nè kaleeja-nord. Nzambi wàkabàtùmina mùtootò bwà kubàlombola kùdi Mfùmù. Nwamònu anyi? Bààkalonda njila mulongolola wa Nzambi. Ndi ànu mwà kudifwànyikijila bàmwè bàà kùdibo bàmba nè: “Àmba tũng, Balthazar, udi mumanyè’s, wèwè ewu udi muntu munene. Udi mulwè nè kaleeja-nord kèèbè anyi?”

Yéyè nè: “To.”

“Èè, nenùkakùfikè bìshi?”

“Nyààya mu njila mulongolola wa Nzambi.” Ke njila nyéyè awu.

“Neùkakùfikè bìshi?”

“Njila mulongolola wa Nzambi.”

“Ncini aci?”

²³⁷ “Mùtootò awu, ke yéyè awu. Ke njila mulongolola wa Nzambi bwètù twètù nyéyè awu.” Bàvwa dijinga nè kaleeja-nord, kàdi Nzambi kubàpèesha mùtootò.

²³⁸ Bàà pa buloba bàvwa dijinga nè Musùngidi ditùkù kampàndà, ke Nzambi kulongololayè Mwan’Èndè. PààkalwàYe, kabààkaMujingulule to. KabààkaMuswè to. Bàvwa bàmba nè bàvwa bàkèngela Musùngidi. Kàdi pààkaMutùmà Nzambi mu mùshindù Wèndè. . . Bààkalòmba mfùmù kampàndà; Nzambi kubàpèesha Mwànà wa mu dibòkò. Bàvwa baswè muntu wa bukolè bwà kupàtulayè Loomò. Nzambi kubàpèeshayè Mwànà mukesè wa mu dibòkò, ùdila mwadi mu cikùmbi. Nwamònu anyi? Kàdi civwa njila mulongolola wa Nzambi. Tudi. . . Kàdi kabàvwa baciswe mùvwà Nzambi muswè kucitùma amu to. Bàvwa baciswe mùshindù wùvwàbo baciswe awu. Nwamònu anyi? Pa nànkù, ki bwà cinyi, bààkabwela mu cimvundù cinène bwalu kabààkiitaba njila Wèndè to. Kùvwa bàmwè bààkamwitabà.

²³⁹ Eci civwa mmwaba wà dilediibwa dyà Èkèleeziyà, divwa nku Mpenta, paanyimà pàà Yesù mumanè kubàtùma nè mudimu nè “Ndàayi pa buloba bujimà nùkayiishè cifùkiibwà cyônsò Èvànjeeliyò. Bimanyinu ebi nebifilè aba bàdi bìitabuujà.” Yéyè ùkaavwa mubàmbile cyà dyanza. Mubàmbile bwà kubàndabò, mu cimenga cyà Yèlusàlèrà, nè kwindilabò. Bàvwa bàkèngela mukàndà wà mèyi makùlù. Bàvwa bàkèngela mukàndà wà mèyi makùlù. Bàvwa baswè kufùndabò twitabàayi kampàndà. Nzambi wàkabàpèesha Nyumà Mwimpè. Kaa! Bàvwa dijinga nè

dingumba, kàdi Nzambi wàkabàpèèsha Nyumà. Ndishìilangana kaayipu's wè, mùshindù mwinè wùdi Nzambi úcyènza's wè! Nyumà Mwîmpè ke uvwa njila mulongolola wa Nzambi bwà kulombola Èkèleeziyà, kî mmwèpiskòpò to. Nyumà Mwimpè, ke civwà, ke civwà wàbò mukàndà wà mèyi makùlù. Nènku kubàngila ànu ku ditùkù adi, too nè ku leelù ewu, civwa mmukàndà wà mèyi makùlù wà mwànà mulediibwe cyàkàbìdi: Nyumà Mwîmpè.

²⁴⁰ Mpindyewu, paanyimà pàà bidimu binunu bibìdi, balundà bàànyi. . . Tukàadi tujikija. Mpindyewu, paanyimà pàà bidimu binunu bibìdi, muntu mmupàngàdike bwà kulonda wendè njila. Yèyè wàkadyènzela wèndè mukàndà wà mèyi makùlù. Wàkadyènzela nsòmbelu wa bùkàlàngà wa ku byanza byà bantu. Nènku cyàkenzàye ncinyi? Kòkò aku ke kwàkalwà, ku cyòci aci, ditomboka dinène dyà kuumuka ku Bulelèlà. Mbadibwinke mu. . . Bantu kî mbamanye cyà dýenza to. Twitàbàayi, màngumba, tusùmbù twà mìshindù yònsò, masaluka, nè muntu yònsò ùdi wàmba nè: “Bible ùdi wàmba *cikampànda*.” Nebàngatè *eci* citùpà Cyèndè, kàdi kabàakwangata *cyàcyà* citùpà Cyèndè nànsha. Kabèèna bàlonda mukàndà wà mèyi makùlù to, ki bwà cinyi bàdi bàpàmbuka njila. Nènku paanyimà pàà bidimu byònsò ebi, patùdi nè malongolodi nkàmà citèemà nè byà mu njila mashìlèshìilàngàne à bwena Kilistò, nè edi dipiisha dikwàbò, dyàmba nè: “*Eci* ncyà bushùwà, nè mbapiile; nè *eci* ncyà bushùwà, nè *aci* ncyà mashimi,” nè bikwàbò. Nènku bantu bakwàte nè byà luse mbabwejàkàjìibwe mu mùshindù wà nè kî mbamanyè cìdi cìmpè nè cìdi cìbì to.

²⁴¹ Cìdi citùkèngelà ncinyi? Bidi bitùkèngela bwà kwalukila mu njila, kwalukila ku mukàndà mèyi makùlù. Cìdi citùkèngelà ncinyi? Bidi bitùkèngela cimanyinu cishùwashùwàlè, cilelèlà cyà mu Mifùndu cyà Bulelèlà. Bulelèlà bwà Èvànjeeliyò bujaadika ke bùdi bùkèngela Èkèleeziyà bwà njila wa cikondo cyà ndekeelu *eci*. Nzambi mmùlayè bwà kubàpèèsha cimanyinu bwà ditùkù dyà ndekeelu edi.

²⁴² Nudi bavùlùke pàvwà Yesù wàkula wàmba nè: “Mukalenge-mukàji wa ku sud neàjuukè mu ditùkù dyà ndekeelu, neàjuukè nè neàpiishè lukòngo elu” anyi? Yèyè wàkafuma ku bitùpà byà kulekùlè byà buloba, bwà kutèeleja lungènyi lwà Solòmò. Úvwa nè nyumà wa dijingulula. Mùshindù mwinè wàkalwàye ntàntà mule, bwà kumòna nyumà wa dijingulula awu's! Yèyè nè: “Munène mutàmbe Solòmò ùdi apa.”

²⁴³ Wàkamba kàbìdi nè: “Bu mu. . . bu mupròfetà Yona. Yona, ànu mwàkadiye mu difù dyà mushipa wà bàlenà munda mwà matùkù àsàtù à muunya nè à bufùkù amu, ke mùdi kàbìdi Mwànà wa muntu nè cyà kwikala mu mwoyi wà buloba, matùkù àsàtù à muunya nè à bufùkù.” Ke kwambaYè nè: “Lukòngò lwà beena lwonji nè beena masandi nelùkebè cimanyinu.” *Eci* cyòci kaciyi cimanyinu aci, anyi lukòngò alu to, ncyèna

mumanyè mwaba wùdilu to: lukòngò lwà butekète, lwà beena lwonji, lwà bayi bàà mu èkèleeziyà, beena masandi. Bàvwa mwà kukèba cimanyinu, ke Yèyè kwamba nè nebàcìpetè. “Bwalu ànu mwàkadi Yona mu difù dyà mushipa wa bàlenà munda mwà matùkù àsàtù, ke mwikalà kàbidì Mwànà wa muntu mwà kwikala mu mwoyi wa buloba.” Kàdi kùvwa mwà kwikala dibìikà dyà ku lufù, ànu mwàkapàtùkà Yona mu difù dyà mushipa wà bàlenà amu.

²⁴⁴ Maalàkì, nshapità mwi4, mmutùlayè aci mu matùkù à ndekeelu, nè: “Nekùlwe Mukenji wùvwa mwà kwaluja myoyi yà bânà ku Diitabuuja dyà baataatù, Diitabuuja dyà ku cibangidilu dyà baataatù.” Bàvwa bacilayè. Yesù wàkacìlaya. Diitabuuja dyà beena kwitabuuja bàà cikondo cyà nshìikidilu nedimònè cimanyinu cyà ku cibangidilu cyà Maasiyà. Mònaayi. PìikalàYe mmubiike ku bafwè, nè twitabàayi mmiMupàtùle, bidimu byònsò ebi, nè mivilè Bulelèlà abu, díbà adi cintu cidì cikèngelà bwà twètù kukèba, mu matùkù à ndekeelu, ndyalukila ku Diitabuuja dyà—dyà ku cibangidilu, dyàlukila ku Diitabuuja dyà baataatù bàà ku cibangidilu bàà ku mpenta.

²⁴⁵ Nè bàakamòna dibìikà Dyèndè dyà ku lufù. Nè leelù ewu tudi tumòna dibìikà Dyèndè dyà ku lufù, cimanyinu cyà dibìikà Dyèndè dyà ku lufù. Yona, matùkù àsàtù à muunya nè à bufùkù ùvwa mu difù dyà mushipa wa bàlenà, kàdi mu ditùkù diisàtù yèyè kubìika ku lufù kupàtuka mu mushipa wà bàlenà. Yesù wàkabiika ku bafwè, paanyimà pàà mumanè kwikala matùkù àsàtù mu difù dyàbù. Bidimu binunu bibìdì bìvwaYe kàyi mu èkèleeziyà to. Kàdi Yèyè wàkalaya, kupicila ku Yowèlà nè: “Cyàkashiyà mukùmbì wà ngazamà, mukùmbì wà hazilà wàkacidyà. Kàdi Mèmè nèngààlujululè, mùdì Mukalenge wàmba, byònsò bìvwa mukùmbì wà ngazamà, nè mukùmbì wà hazilà, nè mukùmbì wà lokùsètà, nè bikwàbò abi, bidya bibùtùle. Mèmè nèncyàlùjùlulè mu matùkù à ndekeelu.”

²⁴⁶ Mupròfetà wàkamba nè: “Nekwikalè Bukènkè ku ibaamulòòlò.” Díbà òmwèdìmwè adi didì dikenkesha ku esètè didì dikenkesha ku wesètè. Cìvwa nditùkù kampàndà, ditùkù dyà mídimà. Mbadìsangè, nè kutèeka twitabàayi nè bikwàbò. Kàdi ku ibaamulòòlò nekwikalè Bukènkè: díbà òmwèdìmwè adi, bipeta bimwèbimwè abi, bimanyinu bimwèbimwè abi, maalu à kukèma àmwèamwè awu, díbà dyà dilòòlò.

²⁴⁷ Mmuniyì mwàkajaadikàYe nè ùvwa Maasiyà? Mpindyewu, lukonko lùdi nè, paanyimà pàà bidimu binunu bibìdì byà didyula cyòci eci, Yèyè ùcidi ànu Maasiyà anyi? Èè, cìvwaYe musangu awu aci, Ebèlù 13.8 mmwambè nè: “Yèyè ùdi umweumwe awu makèèlèlà, leelù, too nè kashidi.” CìvwaYe musangu awu aci, bikèngela Yèyè ìkalè umweumwe awu leelù ewu. Mmuniyì mwàkadijaadikàYe nè Yèyè ùvwa Maasiyà awu? Bilondèshile Diyì dyà Nzambi. “Bwalu Nzambi ùkaavwa mwambè ” wàkwila

ku Mòsà nè, “Mukalenge Nzambi webè neàjuulè mupròfeta mufwànàngàne naanyi.”

248 Ke bwà cinyi mukàjì wa ku ciinà cyà máyi awu, pààkamwambilàYe mpèkaatù yèndè: “Mòna’s,” mwàkambàye, “Mukalenge, ndi njingulula nè Wèwè ewu udi mupròfeta. Tudi bamanyè nè pààlwà Maasiyà Yèyè ngwatwàmbila maalu aa.”

Yèyè nè: “Mémè ki Yèyè awu, udi wakula neebè ewu.”

249 Wàkaya lùbilù nè lùkàsà lwònsò nè kwambila bantu mu cimenga. “Lwâyì, kanùmonàayi Muntu Udi mungambile bìndi mwenzè. Kí m’Maasiyà mwinè anyi?” Nènku bantu bààkaciitabuuja, bwalu bàvwa bindile cimanyinu cyà Maasiyà aci, benze bidimu nkàmà yinaayi kabàyi nè mupròfeta to.

250 Yesù wàkamba nè: “Ànu mwàkadibi mu matùkù à Lotà, ke mwikalàbi kàbidi ku dilwa dyà Mwànà wa muntu,” pààkaDibuululà Nzambi Yèyè mwinè mu mubidi wà musunya, kudya mu—munyiinyi wà kànà kàà ngombe, kunwà mabèèlè à ngombe, nè kusòmba mwaba awu kumpalà kwàbò. Nzambi, Yèhowàh, Yèyè mumwèneshiibwe mu mubidi, nè nyimà Wendè mukoma ku ntentà, kàdi kulonda cìvwà Sarah wàmba mu ntentà.

251 “Nekwikalè Bukènkè ku ìbaamulòòlò.” Dìyì dishindika dyà Nzambi ncimanyinu cyà ditùkù ditùdi nè mwoyi edi. Nekwikalè Bukènkè. Nè Yèyè wàkalaya, ku Maalàkì 4, ku myaba yàbùngì yà Bible, nè bantu bàà cikondo cyà nshiikidilu bàvwa mwà kumòna dimwèneshiibwa dimwèdimwè dyàkamònàbo adi, bwalu Yèyè kèna mwà kushintulula cimanyinu aci to. Yèyè ngudi mucilayè.

252 Mpindyewu, tudi baMuumvwè wàkula mu myakulu ku Kàlvariyo. Tudi baMumòne wènza bintu byònsò byàkenzàYe abi. Tudi bamòne Èkèleeziyà wa bàpostòlò kwàka ku cibangidilu, mùvwà Èkèleeziyà wa bàpostòlò awu, maalu àkenzàbo. Tudi tucimòna cyàlukila cyàkàbidi mu Èkèleeziyà emu mu matùkù à ndekeelu. Ncinyi aci? N’Nzambi, munkaci mwà kushindika, ànu mwàkenzèlèYe Mòsà amu, bu mwàkenzàYe munda mwà bikondo. Yèyè mmulogòlòle njila bwà katùlù kuseeswishiibwa to, bwà twamòna mwà kumanya. Yesù wàkamba, mu Yone 14.12 nè: “Ewu udi ungiitabuuja Mémè, bimanyinu bìNdi ngènza, byenzi biNdi ngènza, yèyè neàbyènzè pèndè.” Ke mwikalàbi. Mpindyewu, piikalàYe wàkafwà nè mMufwè, dîbà adi byenzi abi byàkiimana. Kàdi Yèyè mwikalè cyàkàbidi nè mwoyi, dîbà adi byenzi Byèndè bidi bitungunuka ànu mùvwàbi amu, bwalu Yèyè ùdi umweumwe awu makèlèlè, leelù, too nè kashidi. Nudi nwiitabuuja nànu anyi?

253 Tèelejàayi. Lekèlaayi ngàmbe eci nùku: Yesù wàkajaadika nè Yèyè nguvwa Maasiyà awu, ku bimanyinu byà Bible byà Maasiyà. Wàkaciijaadika. Ke cìvwàYe. Mpindyewu, Nzambi ànyisheku bwà njaadikè mpindyewu nè Yèyè ùcidi ànu umweumwe awu. Nudi nuciitabuuja anyi? Yèyè wàkaciijaadika.

Ke cìvwàYe. Wàkajaadika nè ke cìvwàYe. Byènzekèku nè mèmè, ku ngàsà wa Nzambì, njaadike nè ke cìdìYe. Wàkajaadika nè ke cìvwàYe. Mpindyewu tùjaadikàayi nè ke cìdìYe. Ke cyôci aci menemene cyàkalayàYe. Ke cyàkambàYe aci's. Mùshindù awu ke wàkacyàmbàYe. “Nè bimanyinu ebi nebifilè aba bàdi bìtabuuja.”

254 Ncinyi aci? Njila mulongolola wa Nzambì, njila wa dibìikà dyà ku lufù. Cintu cìdì cyùmusha muntu ku dikùtakana dyèndè, ùbwela mu Bukènkè bwà Èvànjeeliyò; cìmumusha ku bwongò bwà meeji à mu mutù, bu mùdi ndongolwelu kampàndà munèna wa màshinyi, nè cìpwekesha mwoyi wèndè kumpàlà kwà Nzambì.

255 “Èè,” mùdi wamba, “muntu awu's ngwa meeji matwè be, Mwanèètù Branham. Mmupetè màpòlome ànaayi. Mmupetè dipòlome dyà Bachelor of Art. Mmupetè byònsò ebi.” Cidiye naaci nànsha ciikàle cinyi. Nebikengelè bwà kupwàye mwoyi byònsò bìvwàye mulonge, bwà kumanyayè Kilistò. Ncyà bushùwà. Nebikengele bwà kudìpwekeshayè nè kuumuka ku cintu kanà cyònsò cìdì bàà pa buloba bamwenzèle aci.

256 Nènku udi uyiila Kilistò ku didìpwekesha, uMwitabuuja. Ncikondo cyà ibaamulòòlò. Mwawa mwambè cinyi kaaba aka, ku cibangidilu? Cìvwa ncinyi cìmvwà mwambè kaaba aka aci? *Kwitaba Njila Wa Nzambì Mulongolola Ku Cikondo Cyà Nshùikidilu*. Muntu nè muntu wa ku bantu aba, musangu ònsò mu Bible mujimà, ku bufùki, tudi tumòna . . .

257 Mpindyewu, Nzambì kènà wangata mucì leelù ewu, nè ùwùvwija cintu kampàndà, nè pashiishe mààlabà ùwènza cintu kampàndà cikwàbò to. To. Wènza, leelù ewu—leelù ewu nè, màyi à mu mucì adi àpweka, mààlabà àlukila mu mùshindù mukwàbò, nè musangu wàlondà Ùdi wènza bwà bàpàtùle màyi à mu mucì awu? To.

258 Ùdi ùshààla ànu mu njila. Nènku yònsò wa ku bantu batùdi baakùle aba, mu Bible mujimà, Nzambì wàkashààla ànu naabò mu njila Wendè, ànu menemene ku Dìyi Dyèndè. Kakùvwa nànsha umwe wa ku bòbò abu uvwa kàyì pa Dìyi Dyèndè menemene to, mu Bible mujimà, ànu pa Dìyi Dyèndè menemene.

259 Pashiishe paùdì wamba nè: “Èè, mèmè ndi ànu menemene pa Dìyi Dyèndè,” dìbà adi Yèyè ùdi ùshìndika aci nè m'Bulelèlà.

260 Mpindyewu Yèyè ùcìdì ànu mu njila, dilòòlò edi, bu twètù ànu mwà kuciitabuuja. Nenùcyènzè anyi? [Disangisha didi dyàmba nè: “Amen.”—Muf.]

261 Twìnyikàayi mitù yètù. Mpindyewu, nè kaneemu nè mwènù mwònsò, bwà katanci kakesè cyanàànà.

262 Njila mulongolola wa Nzambì, bwà Wàmòna mwà kufikisha beena kwitabuuja ku Diitabuuja dyà Dyambwibwa. Njila wa

Nzambì, njila Wendè mulongolola awu, bwà kufikisha beena kwitabuuja ku Diitabuuja dyà Dyambwibwa.

263 Kumpalà kwà mèmè kwenza dibiikila dyà ku cyoshelu, ndi muswè kwamba nunku ewu. Ndi ndyùmvwa mulombòdìibwe bwà kwenza cyòci eci. Kùdikù babèèdi mu nzùbu emu anyi? Elàayi cyanza muulu.

264 Nènnùlòmbè bwà nè bu nwènù mwà kuswa nwikalè bapùwe ànu viiviivi, basòmbe bapùwe, ànu bwà kakwàbò kasunsa cyanààna. Mpindyewu, netùpàtukè mu tusunsa tukwàbò tùtaanu, bu nwènù ànu mwà kwikala nè kaneemu kàà menemene.

265 Mpindyewu, wamònu's, wèwè's, paùdi utàcisha, udi utàcisha muntu kampàndà.

266 Ndi nè cintu cyònsò mu kaabujimà mu bukòntononyi bwà Nyumà Mwimpè. Ndi nè cyà kwikala naabù, bwà kwenza cyòci eci. Nzambì ngudi mufile mulayi. Kàvwa mmèmè to. Úvwa n'Yèyè wàkenza mulayi awu.

267 Mpindyewu, bwà ku dyànyi dimanya, kùdi bàmwè bantu kaaba aka bândi mumanyè. Kùdi bàmwè bândi ncìyi mumanyè to. Ndi bulelèlè mwà kumòna pabwìpi nè, ngèèla meeji, bantu batwè ku bànaayi bândi mumanyè. Nè umwè wa kùdìbo m'Mwanèètù Williams udi apa ewu, nè Mwanèètù wa balùme Rose. Ndi mubàmanyè. Nènku Maamù Sharrit mmusòmbe lwà ku ciibi aku. Mèmè, mu bushùwà bwà bwalu, ndi mumumanyè. Mwanèètù wa bakàji Williams nyèyè ewu musòmbe kaaba aka. Ndi mumumanyè.

268 Kàdi inàbànzà udi musòmbe mwab'ewu ewu, bu mu mulongo mwibìdi kumpalà kwànyi mwab'ewu, ùdi ùkwàta mudimu ku màkàjiinyi à bilàmbà, nè mmulundà wa dìkù dyànyi. Ncyèna mumanyè dínà dyèndè to, kàdi ndi ngèèla meeji nè yèyè ncidimba cyà èkèleeziyà wa Mwanèètù Outlaw lwà kuntu kwàka. Ngèèla meeji nè mmwòmò.

269 Nè pashiishe ndi mmòna Mwanèètù wa balùme Dauch nè Mwanèètù wa bakàji Dauch, bàà ku Ohio, basòmbe kaaba aka. Ndi muumvwè Mwanèètù Sothmann, lwà paanyimà pààpa mwaba kampàndà, wàmba nè “amen,” kùkaadi katanci. Ndi ntàngila. Ke pàmwè nè bònsò bândi mmòna nè mumanyè mwòmò emu.

270 Mbanganyi bàà kunùdi bàdi bàsaamà, nè bamanyè nè mèmè ncyèna munumanyè, elàayi byanza byènù muulu, bàdi bamanyè nè ncyèna mumanyè kantu nànsha kàmwè pa bìdi bìnùtàngilà, elàayi byanza byènù muulu. Eyo. Ikàlà wèwè ànu nè diitabuuja mpindyewu nè itàbùùjà.

271 Mpindyewu, piikalàbi nè ndi munwàmbile Bulelèlè, Nzambì mmwenzèjìibwe bwà kushindika Díyi adi nè m'Bulelèlè. Ncyà bushùwà anyi? Ncyà bushùwà. Mpindyewu, ke ciikalà njila

mulongolola dibà adi, bilondèshile cîndi mwâmbè dilòòlò edi. Ke njila mulongolola wa Nzambi bwà kunwâmbila nè: “*Eci m’Bulelèlà.*”

²⁷² Bwalu, muntu kanà yònsò ewu mmumanyè nè kabyèna mwà kwenzekakù to nànsha bîshi. Ncifwànyine kwikala cishimà cidi maalu à mamanya kaàyi mwà kuumvwija to. Kwèna mwà kuumvwija cishimà to. Ncipite dyumvwija kule nè kule. Nènku bu Nzambi mwà kwakula mwab’ewu, dilòòlò edi, nè muntu umwèpelè udi mufwànyine kumanya nè mèmè mwwa mwenyi kùdiye, nè kubâmbila cidibo bènzè, anyi cìvwàbo kabàyi nè cyà kwikala benzè to, anyi cyènzàbo, anyi cìvwà cikèngela bwà kwenzabò, anyi cintu kampàndà, ànu mwàkenzà Yesù pàvwàYe pa buloba apa amu. Wàkadimanyisha Yèyè mwinè kùdi bantu nè cyòci aci cìvwa cimanyinu cyà Maasiyà. Mbanganyi bàdi bamanyè nàнку, ambàayi nè: “Amen.” [Disangisha didi dyamba nè: “Amen.”—Muf.] Dibà adi, èkèleeziyà ùdi ùciitabuujà. Ke mùshindù wùmwèpelè ngwòwò awu. Bantu, pààkenzàYe nàнку, bôbò . . .

²⁷³ Mukàji kampàndà wàkalenga cizembe cyà cìvwàlù Cyèndè. Yèyè kukùdimuka, kwamba nè: “WàNdengì awu nganyi?” Mu mubidi emu, Kàvwa mumùmvwè to, kàdi diitabuujà dyèndè ke dyàkenzà cintu aci.

²⁷⁴ Mpindyewu, udi mwà kwikala nè diitabuujà dyà mùshindù awu bu wèwè ànu mwà kusambila nè kwamba nè: “Mukalenge Yesù, nguumùshèku mpatà yònsò mu mèmè. Umùshàku mpatà yànyi, nè swàku nngiitabùùjè. Ndi nè dijanga dyà mwoyi mujimà. Nènku ndi ndwa, dilòòlò edi, bwalu Bible ùdi wàmba nè Yesù Kilistò ùdi Mwakwidi Munène udi mwà kulengiibwa kùdi dyumvwa dyà mateketa ètù.”

²⁷⁵ Nuvwakù bamanyè nè, cimanyinu eci, cishimà eci, kî ncyenjìibwè mu maalu-malonda kacya ku lufù lwà mùpostòlò wa ndekeelu anyi? Ncyà bushùwà. Ndi mfùma ku dibala mu—mu . . . mikàndà yònsò yà maalu-malonda yîndiku mumanyè, yà *Baabùlòònà* yà Hislop. Ndi mfùma ku dijikija kubala *Mukàndà wà Bafwile Diitabuujà wà Foxe*. Ndi mfùma ku dijikija dibala baataatù bàà kumpàlà kwà Nicée, Nsangilu wa Nicée, nè wa paanyimà pàà Nicée. Ndi mufùme ku dijikija dibala mikàndà yònsò ayi. Kakwèna mwaba nànsha wùmwè wùndi mucimòne, mu maalu-malonda à Martin Luther, John Wesley, ditàbuluja dyà kumpàlà, ditàbuluja dyà ba-Gallois adi. Bàvwa bàdila, bèèla mbilà, bàtùmbisha Nzambi, ndekeelu wa byònsò kumatabò mu dyakula dyà mu myakulu. Nè pashiishe eci cìvwa nè cyà kwikala cimanyinu cyà ndekeelu. Ke cintu cyà ndekeelu cyàkamònà Sodomà kumpàlà kwà kwoshiibwayè ncyòci aci.

²⁷⁶ Nènku vùlukàayi nè, Yèyè kààkacibuulwila Sodomà to. Wàkacibuulwila Abraham, basobola nè basungula. Nè dipà adi kadyèna diya kùdi èkèleeziyà yà pa buloba apa to, bu nwènù

mwà kumòna. Diyaaya kùdì Èkèleeziyà musungula. Bôbò abu ki bàdì bàpetelakù dyàkalenga. Bôbò ke bààcyàkidila.

²⁷⁷ Bu cyòci mwà kwikala cyenjiiibwe pambèlu apu, bàvwa mwà kwamba cintu cimwècimwè cyàkambàbo pàakacyènzàYe apu nè: “Yèyè m’Beelèzèbùlà, mwena lubùku.” Nè muntu kanà yònsò udi mumanya bwalu bwà mwena lubùkù, mmumanyè nè aci’s—aci’s ncintu cipàle bwà kucyàmba mene. Kí mbamanyè dīyì dikùlù dyà lubùkù anyì dyamba dyà lubùkù to. Awu mmudimu wà dyabùlù, ùteeta kutentula mudimu wà Nzambì.

²⁷⁸ Nzambì ùdì ùleeja mupròfetà; dyabùlù ùtu nè mwamulopò. Bàbidì àbu mbenzè ànu bu bafwànàngàne menemene. Yesù wàkamba nè ncifwànyìne kuseeswisha nè Basungula, bu byòbì mwà kwenzeka. Ncilelèlà. Tudi nè ditentula bùngì cyaààà—bùngì cyaààà. Wàkamba nè: “Ànu mùvwà Yambèlè nè Yanè bakàndàmèene Mòsà amu, ke mwikalà kàbidì bantu bàà meeji moonèke aba, babèngiibwe pa bìdì bitàngila Bulelèlà. Kàdì dikùtakana dyàbò nedijandudiibwè.”

²⁷⁹ Mpindyewu, mu Dìna dyà Yesù Kilistò, Mwànà wa Nzambì, ndi ngàngata bateèleji aba mu bukòntononyi bwànyì, kàdì bwà Nyumà Mwimpè, ku Nyumà Mwimpè, mu Dìna dyà Yesù Kilistò.

²⁸⁰ Ndi nnùlòmba, nwènù bu beena kwitabuuja, kanùtentemuku to. Shààlaayi bapùwe. Nènku nwitabuujè nè Yesù Kilistò ùdì umweumwe awu makèèlèlà, leelù, too nè kashidi, nè ndi kaaba aka bwà kumanyisha byenzi Byèndè nè njila Yèndè.

²⁸¹ Mvwa mudikànde bikolè bwà kwamba bintu ebi, mu bidimu dikùmi nè bitaanu, anyì dikùmi nè bisambòmbò bìndi mu budimi bwà bwambi. Kàdì kùdì dībà dilwalwà mpindyewu diikalà cintu kampàndà nè cyà kwenzeka. Mukenji newùye ku ditunga dikwàbò, kùdì cisambà cikwàbò. Kàdì patùcìdì mu Bwikadi bwà Buumùntù Bwèndè bwà Cijila apa. . . Èkèleeziyà wa mu Àmèrikè, ngèèla meeji nè, ùkaadi ànu bu mumanè kubiikidiibwa bwà kupàtuka. Mmujikije, Mmwòwèshìibwe, Mmulongolola, Èkèleeziyà mulelèlà awu. Lubombo lùcìdì ànu lushààle. Kàdì Èkèleeziyà mulelèlà ùvwa Èkèleeziyà mulelèlà, ànu kwìnè kwònsò aku, mulediibwe cyàkàbidì, mudyànjila kulongolola ku dibiikila dyà Nzambì.

²⁸² Wèwè mwitabùùje nè mwoyi wèbè wònsò, ndi nkulòmba bwà ùsambilè wamba nè: “Mukalenge Yesù,” munda mwà mwoyi wèbè, “ndengèku civwàlù Cyèbè. Nè nèmmanye munyì nè Wèwè ucìdì ànu Mwakwidi Munène umweumwe awu? Akwilà naanyì ku mishikù yà Mwanèètù Branham. Nè piikalàye mmungambile Bulelèlà, cìinè aci, ke cìndì ngiitabuuja nè mmungambilè.”

²⁸³ Ikàlà mutwishiiibwe bwà kutèèla cyòci aci mu disambila dyèbè, bwalu Yèyè ngudi mungambile nè: “Wèwè mufikishe bantu ku dikwitabuuja.” Ke cimwèpelè. . . wèwè. . . Yèyè kàvwa mwà kwenza byenzi byà bukòlè byàbùngì to, bwalu kabàvwa baMwitabùùje to. Kanùngiitabùùji mèmè bu Yèyè to, kàdì

itàbùùjaayi nè Yéyè ngudi muntùme. Nè mémè ndi mwaba ewu mbwà kuMumwèneshà. Wàkajaadika nè ke civwàYe. Nzambi ànkwàcìshèku bwà kujaadika nè Yéyè mmubiike ku bafwè, Maasiyà awu, umweumwe awu makèèlèlè, leelù, too nè kashidi.

²⁸⁴ Mpindyewu ikàlaayi ànu mu disambila. Ndi ntàngila nè mwindile. Sambilaayi ànu cyanàànà. Nènku bu Mukalenge mwà kucyènza, nè kunùjaadikila nè eci ke cimanyinu cyà cikondo cyà nshiikidilu, nudi baswè kwendela mu Bukènkè anyi? NenùMwitàbùùjè, nenwikalè nè diitabuuja mu Yéyè anyi? Yéyè kàtu ùsunguluja muntu to. Ikàlaayi ànu nè diitabuuja, díbà dyònsò, myaba yònsò. Mpindyewu, panùcidi nè mitù yènu miinyika apa, ndi nsàkidila Mukalenge.

²⁸⁵ Bukènkè bunùdi numòna mu fòtò mbwòbù ebu. Yéyè ùdi kaaba aka mene mu cibambalu emu mpindyewu. Nènku ndi nCimòna ànu ku luseke lwà mukàji kampàndà udi musòmbe ku dyàbalùmè dyànyì. Ùdi ùsambidila mwànà wa balùme kampàndà udi mu lutàtu. Cibì kwèdi mpatà to. Ikàlà nè diitabuuja.

²⁸⁶ Ku dyàbakàji dyànyì kùdi mukàji kampàndà, kàdi ùdi nè bwòwà. Ùdi nè bwòwà bwà nè ùdi nè kànsèrè. Mmutàmbe kunyùkishiiibwa bikolè bwà cintu aci. Ndi ntèkemena nè kènà ùcìpangila to. Mukàji awu mmuteetètètè, kùkaadi ntàntà mule, bwà kudipandila njila kubwela. Udi nè bwòwà. Yéyè kí ngwa mùnwemu to. Ùdi ùfùmina ku cimenga cikwàbò. Nè cimenga aci ncimenga cikesè kutàmbe eci, nànsha mùdici cìsanganyiiibwa ku sud eku amu. Cidi ku luseke lwà mukùnà kampàndà. Cidi Tucson. Dìna dyà inàbànza awu m'Màndàmù Bach. Udi witabuuja anyi? Newitabè dyondopiibwa dyèbè anyi? Èyo. Kùcyumvwìdiku kàbìdi bwòwà to. Diitabuuja dyèbè ndìdi dikusàngaja.

²⁸⁷ Inàbànza udi ubiikidiibwa nè Mandamù Hushey. Kùpu mwoyi to. Nzambi ùdi mwà kujaadika nè mwànà wa balùme awu kí mmwènzè bwalu to, bu wèwè mwà kwitabuuja nè mwoyi wèbè wònsò. Kwèdi mpatà to. Ikàlà nè diitabuuja. Itàbùùjà.

²⁸⁸ Inàbànza kampàndà udi musòmbe ku luseke lwà dyàbalùme dyànyì eku ewu, ùdi ùsaama dĩaamà dyà mwoyi. Dìna dyèndè m'Màndàmù Cloud. Wèwè mwitàbùùje nè mwoyi wèbè wònsò, itàbà dyondopiibwa dyèbè, Nzambi wa Bukolè bwònsò neàkusàngàjè. Neùcitàbùùje anyi? Eyo. Udi witabuuja nè mwoyi wèbè wònsò.

²⁸⁹ Inàbànza kampàndà lwà paanyimà apa ku dyàbalùmè dyànyì eku, mu mulongo wà dyàbalùme, mulwàte nkanzu mufìkùlùke. Màndàmù Yates, itàbùùjà nè mwoyi wèbè wònsò, nè dĩaamà dyèbè dyà nyimà adi nedìkuumùkè. Kaa, ekelekèle!

²⁹⁰ Nudi baMunangè anyi? [Disangisha dìdi dyàmbe nè: "Amen."—Muf.] Nudi baMwitàbùùje anyi? ["Amen."] Yéyè ùdi umweumwe awu makèèlèlè, leelù, too nè kashidi anyi?

[“Amen.”] Mpindyewu, Yéyè mujaadike cyôci aci, nè wêwè mumône nè ncyà bushùwà, nè bantu abu nebàfilè bujaadiki nè kacya bândela ncitukù mwânji kubàmòna to.

²⁹¹ Kàdi, tàngilàayi, mpindyewu, bu nwênù mwà kwangata díyì dyànyì bwà cínìdì ngàmba eci, bu nwênù mwà kwitabuuja nè mwoyi wènù wònsò nè kutentekelangana byanza muntu nè mukwèndè, nenwòndopiibwè bu nwênù ànu mwà kuciitabuuja nè mwoyi wènù wònsò. Ncimanyinu cyà cikondo cyà nshìikidilu.

²⁹² Mpindyewu tentèkèlàngànaayi byanza muntu nè mukwèndè, nwênù bìikalà mwà kusambidilangana muntu nè mukwèndè abu. Pawikalà ngènzàmpèkàatù, tondà mpèkàatù yèbè. Wèwè mwikalè muntu mutwè cimpingà, tondà nè udi mupiiile. Pawikalà usaama, tonda nè udi muswè kwondopiibwa, wamba nè: “Ndi nKwitabuuja Wèwè, Nzambi.”

²⁹³ Mpindyewu, Bible kàtukù mwámbe nè: “Ànu masambila à William Branham ke ikalà mwà kwenza cyôci eci to.” Kàdi Yéyè wákamba nè: “Bimanyinu ebi nebifilè aba bàdì bìitabuuja. Bòbò batentèkèle babèèdì byanza, babèèdì nebàsangalè.” Nudi nwitabuuja nànkù anyi?

²⁹⁴ Mpindyewu, mmisangu búngì kaayi, ntántà bule kaayi únkaadiku mèmè ewu mwikalè neenù, mu Phoenix emu? Mbidimu bitwè ku dikùmi nè mwandamutekète, bìndì ndwa kaaba aka ebi. Kacya nukààdikù bacimòne cijaadikiibwe nè ncyà mafi musangu kampàndà anyi? Bitu misangu yònsò ànu menemene mùshindù wùvwà Nyumà Mwímpè mubyambè anyi? [Disangisha dídì dyàmba nè: “Amen.”—Muf.] Misangu binunu kuvudija ku binunu, nè ku misangu búngì kabùyì kwamba; mmisangu búngì kaayi pa buloba bujimà, byà matunga ónsò, nè bifuku, myakulu, nè bantu; n’Yesù Kilstò, kí mmwanèenù wa balùme to. Nè ndi nnùtèelela Díyì Dyèndè. “Bimanyinu ebi nebifilè bàdì bìitabuuja. Bòbò batentèkèle babèèdì byanza, babèèdì nebàsangalè.”

²⁹⁵ Mpindyewu tentèkèlà muntu kampàndà byanza byèbè bwà kumusambidila. Kwikadi . . . Mpindyewu kùdisambididì wèwè mwinè to, bwalu bàdì bàkusambidila. Wèwè bàsambidilè. Nènku mpindyewu twinyikàayi mitù yètù mu Bwikadi bwà bunèmè bwà Yesù Kilstò, Udi uDìjaadika nè Ùdi munkaci mwètù awu. Mpindyewu, Yéyè ùdi Nzambi wenù, awu ànu mùdìYe Nzambi wanyì amu. Mpindyewu sambilaayi mùshindù wunùnùtù sambila mu èkéleeziyà wenù awu. Sambidilà muntu udi nè byanza byèndè pambidi pèbè awu. Wèwè musambidilè, nè itàbùùjà Nzambi.

²⁹⁶ Tonda mpèkàatù yèbè, wamba nè: “Ndi mupiiile, Mukalenge. Mèmè mwà mwena mpatà; ncyakwikalakù kàbìdì mwena mpatà to. Ndi ngiitabuuja mpindyewu mene nè Wèwè neungondòpè.”

297 “Ondòpàku muntu ewu, Mukalenge. Ondòpàku mukàji ewu. Ondòpàku mulùme ewu. Ondòpàku mukàji ewu. Ondòpàku mwànà wa mu dibòkò ewu. Ondòpàku nsongààkàji ewu, nsongàalùmè ewu.”

298 Éyi Mukalenge Nzambì, Mufùki wa maułu nè buloba, mmunyi mutùdiku mwà kusòmba kaaba aka, Mukalenge? Eci’s cìvwa nè cyà kutwàla Diitabuuja dyà Dyambwibwa, bukolè bwà Nzambì bùvwà mwà kutangalaka mu batèèleji bònsò aba, Mukalenge, mu myaba mitàmbe kutùmbùka, nè yà butùmbì bwà Nzambì.

299 Dyabùlù, udi muswike bantu aba awu, àbàlekèlèlè; mwimànyine pa—pa mulayi wà Nzambì wùndi mémè ngiitabuuja, mwimànyine pa Bible wùndi ndongesha ewu, mwimànyine pa Nzambì Udi ujaadika nè eci m’ Bible awu, udi ujaadika nè Yèyè ùdi Nzambì wa Bible. Paanyimà pàà bidimu binunu bibìdi, Yèyè ùcidi ànu nè mwoyi munkaci mwètù dilòòlò edi, mubiishibwe ku bafwè, umweumwe awu makèèlèlè, leelù, too nè kashidi. Mwimànyine pa Mashi Èndè meela panshi, nè Bumùuntù Bwèndè bùdi nè mwoyi, Bwikadi, paanyimà pàà bidimu binunu bibìdi, ndi ngèèla dyabùlù kadyòmbò nè nyumà wèndè yònsò wa butekète wa bubèèdi nè màsaamà awu, lekèlèla bantu aba, mu Dìna dyà Yesù Kilistò. Pàtukà munda mwàbò, bwà bàye badishikàmìne. Lekèlèlè ngènzàmpèkàatù awu. Lekèlèlè muntu udi mutwè cimpingà awu. Lekèlèlè mubèèdi mulùme ànyi mukàji awu. Ndi nnana dyondopiibwa dyàbò, lupàndù lwàbò, mu Dìna dyà Yesù Kilistò, Mwànà wa Nzambì. Bàlekèlè, wèwè nyumà mubiipe, mubi, wa bukooyà wa bupidyà nè mpatà. Umùkà mu èkèleeziyà ewu, umùkà kùdi musumbà wà bantu aba, mu Dìna dyà Yesù Kilistò. Amen.


300 Ndi ngiitabuuja. Ndi ngiitabuuja nè disambila dyà diitabuuja dikaadi dimana kasambila. Ndi muswè bwà wènzèku cintu kampàndà mpindyewu. Ànu mwaba wùdi awu, poopèlè dikunji mu meeji èbè amu nè: “Ànu kaaba aka pa nkwasà ewu, dilòòlò edi, pàngààkiimanà nè kuumvwa Diyì, kumòna Nzambì ùshìndika Diyì Dyèndè, ùjaadika nè Ndyà bushùwà, disambila dyà diitabuuja ndimana kunsambidila. Dyabùlù yèyè mudidinge muteetè bwà kungambila kàbìdi nè ncìdi nsaama, anyi cintu kampàndà cyà cibì, nèmwalùjè buludì ku dikunji edi. Mpindyewu mene disambila dyà diitabuuja ndimana kunsambidila, nè ndi musùngidiibwe ku bubèèdi bwànyì. Ndi musùngidiibwe ku mpèkaatù yànyì. Ndi mwànà wa Nzambì, nè ncyàkwalukila kàbìdi ku mashimi à dyabùlù to. Ndi musadidi mudishikàmìne wa Nzambì.” Amen. Nenùcyènzè anyi? Ambàayi nè: “Amen.” [Disangisha dìdi dyàmba nè: “Amen.”—Muf.] Ela cyanza cyèbè muulu wàmbè nè: “Ndi ncìitabuuja.” [“Ndi ncìitabuuja.”] Amen. Amen.

301 Bwànyì mémè, aci’s ncikòse bwalu. Mudimu mmujikè. Nkumanè kujika. Nzambì ngudi mwambè nàнку, nè aci

cìdi cìcijaadika. Mmuniyì mùdìYe mwà kwenza cìngà cintu pakuumusha kushindika Dìyì Dyèndè? Bu Yèyè mwà kuDìnshindikila, Yèyè ùdi mwà kunùshindikilaDì. Nudi nwtabuujà nànkù anyì? [Disangisha dìdi dyàmba nè: “Amen.”—Muf.] Èyo.

³⁰² Tùjuukilàayi kuulu tùMupè butùmbi, dîbà adi, tùMupè luumù lwònsò nè butùmbi. Amen. Èyo. Butùmbi kùdi Nzambì's wè!

³⁰³ Twasàkidila, Mukalenge Yesù. Tudi baKunangè. Tudi tuKutùmbisha. Tudi twitaba bintu ebi. Tudi twitabuujà nè Wèwè udi utwènzèlabì mpindyewu. Wèwè udi Musùngidi wetù. Wèwè udi Mwondopi wetù, nè tudi baKunangè bwà bwalu abu. Dîna dyà Mukalenge dîbeneshiibwè, bwà kashidi. Akidilàku bantu aba, Mukalenge, nè bìikalè basadidi Bèèbè kubangila ànu ku mpindyewu, mu Dîna dyà Yesù.

Nzambì ànùbènèshè. 

63-0115 Kwitaba Njila Wa Nzambi
Mulongolola Ku Cikondo Cyà Nshikidilu
Church Of All Nations
Phoenix, Arizona États-Unis

CILUBA

©2026 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Dîyì dya bwena-cintu

Makenji ònsò tudi badilaminyine. Mukanda ewu udi mwa kutuuciibwa pa mabeji ne cyamu cya kwebe kumbelu bwa mudimu webe wêwè anyi bwa kupeeshangana, kabiyi bya mfranga to, bu cintu cya kutangalaja naaci Evanjeeliyo wa Yesu Kilisto. Mukanda ewu kawenaku mwa kusumbishiibwa, kuvudijiibwa bya bipitepite, kwediibwa mu cibànzà cya lùntàndalà, kulamiibwa mu cikàlwilà, kukudimunyiibwa mu myakulu mikwabo, anyi kulombesha naawu mpetu kakuyi mukanda wa cishimbi-dîyì wa dikwanyishila mukufundila kudi Voice Of God Recordings® nansha.

Bwa kumanya maalu makwabo anyi kupeta bîngà bintu bitudi naabi, anyisha webeje:

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org